

**BOSNA I HERCEGOVINA
FEDERACIJA BOSNE I HERCEGOVINE
Tuzlanski kanton
GRAD TUZLA
GRADSKO VIJEĆE**

S T E N O G R A M

**SA DVADESETPETE SJEDNICE GRADSKOG VIJEĆA TUZLA ODRŽANE 20.
MARTA 2023. GODINE U POSLOVNOM OBJEKTU „GRAFIČAR“ SA POČETKOM
U 10,00 SATI.**

- SJEDNICI PRISUSTVUJE 31 VIJEĆNIK.

U Tuzli, mart 2023. godine

NATAŠA PERIĆ – predsjedavajući Gradskog vijeća Tuzla

Pozivam vijećnike da uđu u salu.

(Intoniranje himne Bosne i Hercegovine.) Poštovani vijećnici Gradskog vijeća Tuzla, obrađivači materijala, predstavnici medija, otvaram 25. redovnu sjednicu Gradskog vijeća Tuzla.

Konstatujem da prema evidenciji Stručne službe Gradskog vijeća, sjednici prisustvuje 30 od ukupnog broja vijećnika, što je dovoljno za punovažan rad i odlučivanje. Svoje kašnjenje je najavio vijećnik Damir Muratović.

Podsjećam vijećnike da su uz materijale za današnju sjednicu, dobili i Zapisnik, a svaki klub vijećnika i stenogram sa 24. redovne sjednice Gradskog vijeća, održane 22.02.2023. godine.

Da li ima primjedbi na Zapisnik sa 24. redovne sjednice? Ako nema, pozivam vijećnike da se izjasne vezano za Zapisnik sa 24. redovne sjednice, održane 22. februara 2023.

Esana, mogu li vas samo zamolit da glasate, pošto ste u sali? (ESANA KAVAZBAŠIĆ – Glasala sam. Glasala sam). A glasali ste. U redu.

Glasanje je okončano.

Konstatujem da je Zapisnik sa 24. redovne sjednice Gradskog vijeća, održane 22. februara 2023. usvojen sa

29 glasova za, niko nije bio protiv i nije bilo suzdržanih.

Omer Berbić, vijećnik Naše stranke, je u poslovničkom roku, 15. marta 2023., dostavio prijedlog da se u Dnevni red 25. redovne sjednice Gradskog vijeća Tuzla uvrsti tačka pod nazivom NACRT ODLUKE O SPROVEDBI IZBORA ZA SAVJETE MJESNIH ZAJEDNICA NA PODRUČJU GRADA TUZLE.

Prijedlog vijećnika Berbića ste dobili putem maila kao i u materijalu podijeljenom neposredno pred početak sjednice. Hoćete obrazložiti kolega? Izvolite.

OMER BERBIĆ – vijećnik Naše stranke

Pa evo, svi smo mi svjesni stanja u kojoj se nalaze naše mjesne zajednice, od da kažem urbanih mjesnih zajednica, da znamo da, od Bulevara, Slatine, Sjenjaka i tako dalje. Ima puno problema vezanih za parking, prije svega, vezano za čistoću (NATAŠA PERIĆ – Molim vas malo tišine), vezano za uzurpaciju zelenih površina, do činjenice da u mjesnim zajednicama koje su dalje od centra ima drugačijih problema, kao što su da nema vode, ovaj, da imaju velike probleme, da nema centralno grijanje i tako dalje, i tako dalje, da ne nabrajam.

Ovo je nacrt odluke koju smo mi usvojili faktički kada smo usvajali Statut grada. Međutim, mi do sada nismo donijeli odluku o sprovedbi direktnih izbora u savjete mjesnih zajednica. Zašto je to tako? Mislím da svi ovdje znamo da se mjesne zajednice koriste kao politički pljen, da se namire neki članovi stranaka, umjesto da dobijaju oni koji su najbolji. Naravno, uz dužno poštovanje malom broju ljudi koji u tim samim mjesnim zajednicama rade.

Svi smo svjesni da većina mjesnih zajednica ovdje više nema nikakvu funkciju, odnosno ljudi u savjetima mjesnih zajednica nemaju nikakvu funkciju, a mjesne zajednice bi itekako trebale da imaju funkciju. Ovakva jedna odluka bi nas dovela do toga da ispoštujemo Statut grada, da ispoštujemo zakon ove države, da ispoštujemo na kraju krajeva ono što smo mi potpisali i ono za šta smo glasali. A to je da savjeti mjesnih zajednica treba da dobiju direktne izbore i da na neki način probamo barem malo depolitizirati mjesne zajednice. Ovo je urađeno u saradnji sa timom pravnika. Namjerno je stavljeno kao nacrt, naravno, da se može u idućí mjesec, dva, doradit, napraviti bolje. Evo napraviti da kažemo i po, po onome što većina želi u Gradskom vijeću. Nemam ništa protiv. Ali je zaista vrijeme da usvojimo na kraju krajeva jednu

ovakvu odluku i da se krene u realizaciju za što smo digli ruke i da prestanemo kršiti Statut grada i zakone ove države. To je ova dopuna Dnevnog reda. To je funkcija ove dopune Dnevnog reda. Hvala ljepo.

NATAŠA PERIĆ

U redu. Hvala. Stavljam na izjašnjavanje prijedlog vijećnika Omera Berbića, uz ovaj predloženi Dnevni red koji ste dobili. Molim da se izjasnite. Poništavam. Pa molim ponovo. Molim ponovo da se izjasnite o prijedlogu vijećnika Berbića. Hajte molim vas ponovo, znači, još jednom. Jedan je za. Poništite i ponovo. Haj nemojte više. Nemojte. Glasanje je okončano. Hasibe! Gdje je Selma? (SLAĐANA KRAJINA – Izašla). Izašla. Glasanje je okončano.

Konstatujem da prijedlog vijećnika Omera Berbića da se u Dnevni red 25. redovne sjednice uvrsti tačka pod nazivom NACRT ODLUKE O SPROVEDBI IZBORA ZA SAVJETE MJESNIH ZAJEDNICA NA PODRUČJU GRADA TUZLE, nije dobio potrebnu većinu, 6 vijećnika je glasalo za, 1 je bio protiv i 21 suzdržan.

Sada stavljam na izjašnjavanje Dnevni red u cjelini i molim vijećnike da se izjasne. Glasanje je okončano. Konstatujem da je cjelokupni Dnevni ured usvojen sa 26 glasova za, 1 je bio protiv i 1 suzdržan.

D N E V N I R E D

- Usvajanje Skraćene verzije Zapisnika sa 24. redovne sjednice Gradskog vijeća Tuzla, održane 22.2.2023. godine

1. VIJEĆNIČKA PITANJA I INICIJATIVE

2. RAZMATRANJE I USVAJANJE:

a) ODLUKE O RASPISIVANJU JAVNOG OGLASA ZA IZBOR I IMENOVANJE ČLANA NADZORNOG ODBORA U JAVNOM PREDUZEĆU RAZVOJNO PODUZETNIČKI CENTAR TUZLA – INKUBATOR “LIPNICA” D.O.O. TUZLA, ČIJI JE OSNIVAČ GRAD TUZLA (sa tekstom javnog oglasa)

b) ODLUKE O UTVRĐIVANJU POSEBNIH USLOVA I KRITERIJA ZA IZBOR I IMENOVANJE ČLANA NADZORNOG ODBORA U JAVNOM PREDUZEĆU RAZVOJNO PODUZETNIČKI CENTAR TUZLA – INKUBATOR “LIPNICA” D.O.O. TUZLA, ČIJI JE OSNIVAČ GRAD TUZLA

c) RJEŠENJE O IMENOVANJU KOMISIJE ZA IZBOR ČLANA NADZORNOG ODBORA U JAVNOM PREDUZEĆU RAZVOJNO PODUZETNIČKI CENTAR TUZLA – INKUBATOR “LIPNICA” D.O.O. TUZLA, ČIJI JE OSNIVAČ GRAD TUZLA

3. RAZMATRANJE I USVAJANJE:

a) Odluke o davanju saglasnosti na zaključenje ugovora o zakupu poslovne prostorije sa UDRUŽENJE BOSANSKA FAMILIJA “BOSFAM”

b) Odluke o davanju saglasnosti na zaključenje ugovora o zakupu poslovne prostorije sa Udruženjem građana „PADOBRANACA”

c) Odluke o davanju saglasnosti na zaključenje ugovora o zakupu poslovne prostorije sa zakupcem Turistička zajednica grada Tuzla

4. RAZMATRANJE I USVAJANJE ODLUKE O RASPISIVANJU JAVNOG OGLASA O DAVANJU U ZAKUP POSLOVNIH PROSTORIJA

5. RAZMATRANJE I USVAJANJE ODLUKE O PROSJEČNOJ KONAČNOJ GRAĐEVINSKOJ CIJENI STAMBENOG PROSTORA IZ PRETHODNE GODINE

6. RAZMATRANJE I USVAJANJE ODLUKE O PRESTANKU PRAVA GRAĐENJA NA NEKRETNINI U VLASNIŠTVU GRADA TUZLA

7. RAZMATRANJE I USVAJANJE ODLUKE O IMENOVANJU INVESTICIJSKOG MENADŽERA ZA GRAD TUZLU

8. RAZMATRANJE I USVAJANJE IZVJEŠTAJA O REALIZACIJI AKCIONOG PLANA IZ PLANA UPRAVLJANJA OTPADOM ZA GRAD TUZLA 2017-2022

9. RAZMATRANJE IZVJEŠTAJA O RADU GRADSKOG PRAVOBRANILAŠTVA GRADA TUZLA ZA 2022. GODINU

10. RAZMATRANJE IZVJEŠTAJA KOMISIJE ZA IZBOR I IMENOVANJA

11. TEKUĆA PITANJA

a) Obavještenje Službe za kulturu, sport, mlade i socijalnu zaštitu o razlozima prolongiranja razmatranja Informacije o realizaciji Akcionog plana za djecu grada Tuzle 2022.-2024. za 2022. godinu

Prelazimo na realizaciju. Prva tačka su:

VIJEĆNIČKA PITANJA I INICIJATIVE

Ukoliko neko nije dostavio, nek se javi da možemo evidentirati. Prvo vijećničko pitanje, odnosno pitanja vijećnica Sabiha Mujkanović Mujačić. Izvolite. (SABIHA MUJKANOVIC MUJAČIĆ – Prilažem). Prilažete? Dobro. Sljedeće vijećničko pitanje, vijećnik Hasib Hirkić. Neka se pripremi vijećnica Merima Softić Sprečić.

HASIB HIRKIĆ – samostalni vijećnik

Zahvaljujem predsjedavajuća. Evo da pozdravim sve prisutne. Ja ću pokušat kratko. Samo me zanima, u stvari vijećničko pitanje ide Domu zdravlja. Kada će građani prigradskih mjesnih zajednica, znači, porodičnih ambulanti imati adekvatne zdravstvene usluge vikendom i praznicima? A to je pitanje one inicijative koju smo potpisali ja, Mensur i Alen. Radi se o radu ambulanti subotom i nedeljom i praznicima, kao i radu laboratorija u tim ambulantama. Pokušaću da skratim.

Što se tiče pitanja za sada...(NATAŠA PERIĆ – To je to?) To je pitaje. (NATAŠA PERIĆ – Dobro). Ne obrazlažem dalje, ali evo da se zna samo o čemu se radi.

NATAŠA PERIĆ

U redu. Hvala. Sljedeće vijećničko pitanje, odnosno pitanja, vijećnica Merima Softić Sprečić. Neka se pripremi vijećnik Nikica Vidović. Izvolite.

MERIMA SOFTIĆ SPREČIĆ – vijećnik Socijaldemokratske partije

Dobar dan svima. Pozdravljam sve prisutne. Ja imam dva vijećnička pitanja.

Prvo vijećničko pitanje postavljam Službi za komunalne poslove, izgradnju i poslove mjesnih zajednica. Ko vrši nadzor nad skoro završenom asfaltiranju glavne ceste koja prolazi kroz naselje Slavinovići?

Obrazloženje: Poštovani, grupa građana Mjesne zajednice Slavinovići mi se obratila sa pitanjima vezanim za šahtove koji su postavljeni na novoasfaltiranoj dionici kroz naselje Slavinovići. Isti su postavljeni ispod nivoa novog asvalta, te nakon svake kiše dolazi do izdizanja pojedinih šahtova koji ne mogu primiti dovoljnu količinu padavina, te se okolo

mnogih stvaraju velike bare. Građani s pravom negoduju i traže reakciju ndležnih službi kako bi u što kraćem periodu izašli na teren, uvidjeli situaciju i riješili problem postavljenih šahotva.

Moje naredno vijećničko pitanje upućeno je Centralnom grijanju DD Tuzla.

Kada će biti sanirana cesta, tj. asfaltirani svi prekopi koji su nastali kada ste uveli grijanje i postavljali podstanice u nselju Paša Bunar duž cijele ulice Narodnog fronta?

Obrazloženje: Poštovani, nakon što sam vam se usmenim putem obratila kao vijećnica, a za moljena ispred građana ove ulice, da u što skorijem periodu nastale prekope asfaltirate, jer zbog istih mogu nastati oštećenja na autima, saobraćaj je otežan, moguće su i saobraćajne nesreće zbog proklizavanja točkova na tucaniku koji već duže vrijeme stoji rasut po cesti, te usmenog obećanja od strane predstavnika menadžmenta da će ista ulica biti sanirana sa pšprvim lijepim vremenom, što nije urađeno. Sada vas pismenim putem želim zamoliti da izađete na teren i u što kraćem vremenskom periodu sanirate pomenutu dionicu, a obzirom da su vremenski uslovi za ovu vrstu poslova veoma povoljni. Unaprijed zahvalna na pozitivnom odgovoru. Hvala.

NATAŠA PERIĆ

U redu. Hvala. Vijećnik Anel Ibeljić. Dobro. Hvala. E sad, vijećnička pitanja koja niste dostavili, molim vas da u toku sjednica da dostavite u pismenoj formi. Vijećnik Berbić. Neka se pripremi vijećnica Esana Kavazbašić.

OMER BERBIĆ

Evo moje prvo vijećničko pitanje je: Koliko novca je uloženo u kojoj mjesnoj zajednici u prošloj godini? Mislim da je ovo bitno da vidimo da li se mjesne zajednice ravnomjerno tretiraju, pošto smo u više navrata tražili nešto za Mjesnu zajednicu Ši Selo, odnosno izmiještanje stare mjesne zajednice koja je leglo zaraze, ali mi odgovoreno da nema novca za taj dio.

Drugo vijećničko pitanje: Da li se rade bilo kakve aktivnosti na smanjenju karte Gradskog i prigradskog saobraćaja, shodno onome što je gradonačelnik par puta spomenuo i što je većina par puta spomenula i što smo svi zajedno ovdje donijeli kao zaključke i dokle je došao proces pravljenja, faktički konkurencije Gradskom i prigradskom saobraćaju?

Mi svi znamo da građani Tuzle plaćaju nasjкупlji gradski i prigradski saobraćaj u državi. Mislim da je ovo jedno jako hitno pitanje, a ne bude samo jedno predizborno faktički pitanje.

I moje treće pitanje je pitanje koje sam dobio od gospodina Sulejmana profesora Šulca. Ovdje se on poziva da je faktički inspektor 03.05.2019. godine, izvršio inspekcijski pregled na lokaciji Reisa Muhameda efendije Azapagića broj 7, na objektu koji je izgrađen bespravno, bez građevinske dozvole i da je više puta doneseno rješenje kojim se obustavljaju radovi, a to je rješenje, broj 08234838/19-A.DŽ. i da je faktički ovaj zahtjev gospodina za legalizaciju stambenog objekta sada nekako u toku, ali prije nego što je on završio je faktički bio zaustavljen od strane Službe za inspekcijske poslove. I ovdje me zanima šta se ovdje može poduzeti, odnosno da li su se poduzele bilo kakve pravne radnje, s obzirom da je objekat izgrađen sa prizemljem, spratom, visokim potkrovljem, fasadom i koristi se kao stambeni prostor za izdavanje.

To su moja tri vijećnička pitanja i ovo ću dostaviti u pismenoj formi. Hvala ljepo.

NATAŠA PERIĆ

U redu. Hvala. Sljedeće vijećničko pitanje. Esana. Nećete? U redu. Vijećnica Selma Čatibušić. Izvolite.

SELMA ČATIBUŠIĆ – vijećnik Platforme za progres

Dobar dan svima. Kolegicama i kolegama. Imam tri vijećnička pitanja.

Prvo vijećničko pitanje jeste da se daju jasne informacije o tome kakva prava tačno stiču mladu bračni parovi prilikom kupovine svoje prve nekretnine, odnosno kojih tačno nameta su oslobođeni i šta Grad tačno sufinansira?

U obrazloženju sam navela da ovo pitanje često dobijam od mladih ljudi koji ne mogu da se snađu oko pronalaženja pravilnika ili ne znaju kada bi mogli biti raspisani javni pozivi za određene stvari, pa bih bila zahvalna da mi se na ova pitanja odgovori i u pismenoj formi, da bi sama mogla priložiti odgovore kada ih dobijem. Nadležnu službu sam kontaktirala i telefonskim putem, međutim nisam uspostavila mogućnost, nisam dobila mogućnost da dobijem odgovore. Javili su mi se na telefon, međutim, putem telefonskog poziva je veoma teško i nije najzahvalniji oblik komunikacije, te tražim da mi se u pismenoj formi dostave odgovori na ovo pitanje.

Drugo vijećničko pitanje jeste, odnosi se na mogućnost ubrzavanja procesa uknjiženja stanova i poslovnih prostora u zgradi 15. Maj.

Svi smo upoznati oko situacije sa ovom zgradom i svega što su naši sugrađani morali proći. Međutim, postoje mladi bračni parovi koji imaju stanove u navedenoj zgradi više od godinu dana i čekaju na uknjiženje istih, te će ih dovesti u situaciju da izgube pravo na oslobađanje od poreza za kupovinu prve nekretnine do trideset pete godine starosti, tako da su mi se oni sami javili pismenim putem i molila bih da mi nadležni dostave odgovore.

I treće vijećničko pitanje odnosi se na davanje informacije o tome koliko je savjeta mjesnih zajednica od početka godine pa do sada dostavilo bilo kakve izvještaje o radu, koje su to mjesne zajednice, kao i to da li će u narednom periodu nadležna gradska služba po službenoj dužnosti tražiti izvještaje od Savjeta mjesnih zajednica? Tako da ujedno tražim da se na Vijeće dostave izvještaji koje je služba do sada zaprimila, ako takvih uopšte postoje. U obrazloženju sam stavila da nekako aktivizam građanstva se itekako treba cijeniti i oni koji se najviše bore za svoju mjesnu zajednicu, na neki način trebali bi dobiti i poseban tretman u vidu ubrzavanja nekih procesa, jer ljudi koji su aktivisti, koji se bore jako za svoje mjesne zajednice svakako to zaslužuju, tako da et molim odgovore na postavljena vijećnička pitanja. Hvala.

NATAŠA PERIĆ

U redu. Hvala. Prelazimo na vijećničke inicijative. Vijećnička inicijativa, vijećnica Sabiha Muj...(SLAĐANA KRAJINA – Ima pitanja Nikica). A imate pitanja. Niste se javili. Aha. Ok. Izvoli.

NIKICA VIDOVIĆ – vijećnik Hrvatske demokratske zajednice BiH

E hvala. Sve vas lijepo pozdravljam. Imam tri vijećnička pitanja.

Kada će grad Tuzla započeti realizaciju projekta sanacije prometnice i izradu asvaltne veze u naselju Breze, a koja spaja Ljubače, Kiseljak sami centar mjesne zajednice blizu škole. Na realizaciju ovog projekta se čeka preko dvadeset godina.

Navedena putna infrastruktura...Obrazloženje: Navedena putna infrastruktura je prepuna udarnih rupa, makadam i potrebna je žurna sanacija. Na navedenu dionicu se čeka i preko dvadeset godina. Vjerujem da će nadležna služba poduzeti aktivnosti da se ova kapitalna investicija što prije realizira, jer se godinama postavlja isto pitanje ili slično pitanje bez realizacije. Molim odgovor vezan za početak ove, za ovu mjesnu zajednicu veoma značajne aktivnosti.

Drugo vijećničko pitanje: Kada se planira vraćanje otegot jednog mandata u Mjesnu zajednicu Kiseljak od strane nedefiniranog subjekta koji je oteo jedno mjesto više oštetiši tako HDZ u Savjetu Mjesne zajednice Kiseljak?

Obrazloženje: Poznato je da smo kao Gradsko vijeće imenovali mnoge članove savjeta mjesnih zajednica u Tuzli. HDZ zanima kada će skupina vijećnika, neki novi politički subjekti, privatna organizacija ili udruga vratiti oteto mjesto člana u Savjetu u Mjesnoj zajednici Kiseljak? Napominjemo da ne razumijemo po kojem je kapacitetu i političkom legitimitetu zadržano mjesto od prethodnog subjekta koji je isto učinio, tako da zauzimajući navedene tri pozicije u Savjetu Mjesne zajednice Kiseljak i otimajući jedno mjesto koje je osvojio HDZ BiH na izborima 2020. godine. Pitanje postavljamo nadležnoj službi, predsjedavajućoj vijeća, sekretaru vijeća i gradonačelniku Tuzle. Molim odgovor za realizaciju i vraćanje mandata onima koji su ga osvojili. S poštovanjem.

I treće vijećničko pitanje: kada će Grad Tuzla započeti realizaciju projekta sanacije udarnih rupa, uništene prometnice u naselju Breze kod katoličkog groblja u Brezama a koja izlazi na prometnicu Husino Kiseljak u Ševaru?

Navedena putna infrastruktura je prepuna udarnih rupa, podrobljenog asvalta i potrebna je žurna sanacija. Mnoge dionice nisu desetak, a možda i preko dvadeset godina sanirane. Vjerujem da će nadležna služba poduzeti aktivnosti da se ova kapitalna investicija što prije realizira, jer se godinama postavlja isto ili slično pitanje bez realizacije. Molim odgovor vezan za početak za ovu mjesnu zajednicu, veoma značajne aktivnosti. S poštovanjem. I hvala.

NATAŠA PERIĆ

U redu. Hvala. Vijećničko pitanje Zoran Jovanović. Izvolite.

ZORAN JOVANOVIĆ – vijećnik Stranke za Bosnu i Hercegovinu

Hvala predsjedavajuća. Pozdravljam sve kolegice i kolege. Pa evo ja sam dobio odgovor u vezi inicijative za izgradnju i rekonstrukciju puta Kamenjaši – Avdibašići i sad bi uputio novo poslaničko pitanje Službi za komunalne poslove, izgradnju i poslove mjesnih zajednica, kome su uputili zahtjev za prekategorizaciju predmetnog puta u regionalnu cestu? Kojoj nadležnoj instituciji? Iz razloga jer sam već dobio i odgovor u vezi izgradnje dijela puta Požarnica – Tojšići i ovdje od Direkcije regionalnih cesta Tuzlanskog kantona u stavu 2. piše izuzetno od stava 1. odluka o razvrstavanju od lokalne ceste i ulica u gradovima donosi Vlada kantona na prijedlog nadležnog općinskog ili gradskog organa.

Samo da vidimo, pa da možemo usmjerit ovu inicijativu i hoću usput stvarno da se zahvalim na ažurnosti gradskoj upravi, tj. Službi za komunalne poslove, izgradnju i poslove mjesnih zajednica, jer su oni na moju inicijativu sa prošle sjednice već krenuli u realizaciju jednog dijela ove inicijative za sanaciju puta prema osnovnoj školi, što je pohvalno i radi one djece koja, koja dolaze u školu. Evo danas rade već, znači, malo i pohvala, ne moramo samo nešto tražit. Hvala.

NATAŠA PERIĆ

U redu. Hvala. Da li još ima neko vijećničko pitanje? Ako ne, molim vas u toku sjednice da dostavite Slađani Krajini, ovaj, u pisanoj formi.

Prelazimo na VIJEĆNIČKE INICIJATIVE.

Prva inicijativa vijećnica Sabiha Mujkanović Mujačić (SABIHA MUJKANOVIĆ MUJAČIĆ – Prilažem tri inicijative). Dobro. Vijećnik Omer Ber...Delalić. Pardon. (OMER DELALIĆ – Prilažem). I vi prilažete? U redu. Hasib Hirkić imate inicijativu i urgenciju. Izvolite. I Lejla ima. Nešto je zajedno ovdje, pa ja sad ne znam. (LEJLA OSMANČEVIĆ – Jest. Ja ću pročitati). Dobro. Znači, vi ćete pročitati ovu zajedničku. Dobro.

HASIB HIRKIĆ

Zahvaljujem predsjedavajuća. Što se tiče inicijativa, evo prvo da se zahvalim bivšem gradonačelniku Jasminu Imamoviću što je prepoznao inicijativu vezano za izgradnju spomen obilježja 15. maj, a i da se zahvalim gradonačelniku novom, koji je to već evo krenuo da u što kraćem roku realizuje. Tu sam inicijativu podnio 22.03.2021. i drago mi je da se radi na tome.

Što se tiče druge inicijative. Ovdje je urgencija vezano za sanaciju spomenika u Mramoru i prilaz ambulanti. To sam već prije podnosio i dva tri puta sam urgenciju slao. Evo ponovo urgencija Službi za komunalne poslove, ako mogu u što kraćem roku da se i to riješi, iz razloga što je spomenik stvarno doveden u katastrofalno stanje. Urgencija na inicijativu ponovo, a postavio sam i vijećničko pitanje kada će građani prigradskih mjesnih zajednica moći znači imati normalne uslove po pitanju zdravstva, rad ambulanti i vikendom, subotom i nedeljom. Pa dobivao sam nekakve odgovore, ali ti odgovori nisu bili adekvatni, netačni, neprofesionalni i sada sam tražio, znači, da mi se više odgovori ne šalju, nego da se pokuša krenuti u realizaciju ovoga, jer ovo je neophodno za građane u prigradskim mjesnim zajednicama.

Takođe, danas podnosim jednu inicijativu, koja je vrlo bitna, a ta inicijativa se odnosi na ukidanje sufinansiranja projekata kapitalnih investicija.

Znamo da dosad su građani imali učešće 20%. Da je zloupotreba od strane, ne znam koga i kako se dešavala prema građanima prigradskih mjesnih zajednica. Razlog tome jeste da u užem jezgru grada nikad niko nije davao učešće „marku na marku“ ili onih 20%, a građani prigradskih mjesnih zajednica su imali obavezu da uplate tih 20% učešća i onda opet kad dođu na red da im se ta, da im se ta realizacija završi. To moraju baš da čekaju kad će doći do, do, do te realizacije. Imajući u vidu da po meni nije ni fer ni pošteno da se tih 20% trebalo uvoditi ili to sufinansiranje prema građanima. Znamo da naši građani su u teškoj situaciji, pogotovo oni koji su branili Bosnu i Hercegovinu, penzioneri i svi drugi. A oni koji su otišli iz Bosne i Hercegovine, imaju neke rezervne države, tamo zarađuju pare, plate i oni su u mogućnosti da sufinansiraju projekte i takvim ljudima se izlazilo u susret. To je čista diskriminacija i nepravedno od nas svih da takve projekte ili to sufinansiranje podržavamo, a naš narod koji je ovdje, baš se napatilo, ne može ni jednu ulicu da asvaltira u svojoj mjesnoj zajednici.

Obrazloženje postoji. Napisao sam. Evo to je ukratko. Hvala vam i nadam se da će ovo u što kraćem roku se pokušati riješiti da se ukinu ta sufinansiranja od strane građana. Hvala.

NATAŠA PERIĆ

U redu. Hvala. Vijećnica Lejla Osmančević. Neka se pripremi vijećnik Senad Mehmedinović. Izvolite.

LEJLA OSMANČEVIĆ – samostalni vijećnik

Zahvaljujem predsjedavajuća. Pozdravljam sve prisutne. Inicijativa je Službi za komunalne poslove, izgradnju i poslove mjesnih zajednica, a inicijativu su nam uputili građani Mjesne zajednice Mramor i Dobrnja.

Inicijativa za postavljanje tri nastrešnice na autobuskim stajalištima u Mjesnoj zajednici Mramor, kao i postavljanje tri oglasne table u Mjesnoj zajednici Mramor i tri oglasne table u Mjesnoj zajednici Dobrnja.

Poštovani, poznato vam je da već nekoliko godina imamo problem sa nadstrešnicama na autobuskim stajalištima u Mjesnoj zajednici Mramor. Pisali smo već nekoliko puta da prilikom čekanja autobusa u vrijeme kada su jake kiše ili snijeg građani imaju određene probleme dok čekaju autobus. Nadamo se da će nadležne službe imati sluha pogotovo zbog učenika i penzionera.

Pozivam nadležnu službu da u tri podružnice Mjesne zajednice Mramor, kao i tri podružnice Mjesne zajednice Dobrnja postave šest oglasnih ploča u cilju informisanja građana. Građani su se obraćali u više navrata, ali do realizacije nije došlo. Napominjemo da su oglasne table prijeko potrebne, kako za građane, tako i za Savjete mjesnih zajednica, zbog obavještavanja i upoznavanja građana sa informacijama koje su vezane za njihov život i njihove mjesne zajednice.

Ovo se odnosi ne samo na ove mjesne zajednice. Tražim rješavanje ovog problema u svim mjesnim zajednicama, naročito prigradskim. Hvala.

NATAŠA PERIĆ

U redu. Hvala. Sljedeća inicijativa vijećnik Senad Mehmedinović. Neka se pripremi vijećnica Merima Softić Sprečić.

SENAD MEHMEDINOVIĆ – vijećnik Pokreta demokratske akcije

E hvala ljepo. Baš bi bilo dobro da se ove vijećničke inicijative i pitanja objavljuju na web stranici Gradske uprave i onda ne bi bilo poklapanja s istim i prepisivanja.

Inicijativa za donošenje naredbe ili odluke o zabrani novogodišnjeg vatrometa s ciljem zaštite djece i osoba s autizmom.

Grad Tuzla već tradicionalno organizuje javni doček Nove godine na Trgu slobode prilikom čega bude i vatromet. Vatromet, iako je jedan od oblika „zabave“ stvara buku koja može izazvati probleme kod populacije djece i osoba s autizmom. Naime, djeca i osobe s autizmom izuzetno su hipersenzitivni i naklon korištenja pirotehničkih sredstava djeca su uplašena, uznemirena i ne mali broj ljudi bude autoagresivan što može izazvati povređivanje sebe. Kako često navode roditelji: „Mi dijete ne možemo pripremiti i reći sad će biti vatromet, jer on to ne razumije“ i nakon uznemirenosti izazvanim vatrometom dešava se da po nekoliko sati plaču.

Zato, s ciljem zaštite djece i osoba sa autizmom i njihovih porodica, podnosim inicijativu da Gradonačelnik Gradskom vijeću Tuzla predloži odluku ili naredbu kojom se zabranjuje novogodišnji vatromet. Vatromet mogu zamijeniti svjetlosni vizuelni efekti koji se sve više priređuju za javni doček Nove godine. To je to.

NATAŠA PERIĆ

U redu. Hvala. Vijećnica Merima Softić Sprečić. Neka se pripremi vijećnik Bijedić.

MERIMA SOFTIĆ SPREČIĆ

Ja imam jednu inicijativu. Upućujem je Službi za budžet i finansije Grada Tuzla i Javnoj zdravstveno nastavnoj ustanovi Domu zdravlja „Dr. Mustafa Šehović“ Tuzla.

Inicijativa za obezbjeđenje sredstava i nabavka dva vozila za patronažnu službu Doma zdravlja „Dr. Mustafa Šehović“ Tuzla.

Naime, obrazloženje: obzirom da sam došla do saznanja da patronažna služba doma zdravlja Tuzla nema niti jedno vozilo na raspolaganju koje bi koristilo osoblje koje obavlja patronažu i koje pruža svu potrebnu podršku našim porodiljama i bebama u njihovim prvim danima nakon što iz bolnice dođu kući, ne mogu, a da ne ukažem na činjenicu koliko je neophodna ovakva vrsta podrške, tj. nabavka dva vozila koja bi se stavila na raspolaganje pomenutoj službi, da bi lakše stizale do svojih porodilja i odmornije, sa boljom organizacijom, stizali svima odgovoriti na zadatke koje su pred njih postavljeni, a sve u korist što dostojanstvenijeg odnosa prema humanom poslu koje obavljaju svakog dana.

O važnosti dolaska na vrijeme, uzimanja određenih nalaza u bebinim prvim danima života, previjanja rana, davanja savjeta o dojenju, higijeni, o različitim informacijama koje svaka porodilja mora znati kako bi se na vrijeme zajedno sa bebom oporavila, nema potrebe da obrazlažem, već ću samo da zamolim na ispunjenje zahtjeva koji bi u konačnici mnogo značio i osoblju i porodiljama grada Tuzla. S tim u vezi, zamolila bih obje adrese na koje sam se obratila inicijativom, da pozitivno odgovore zahtjevu ili ovoj molbi i riješe pitanje nabavke dva vozila za ovu službu. Hvala.

NATAŠA PERIĆ

U redu. Hvala. Sljedeća vijećnička inicijativa, vijećnik Bijedić. Neka se pripremi vijećnik Ibeljić.

ELVIR BIJEDIĆ - zamjenik predsjedavajućeg Gradskog vijeća Tuzla - vijećnik Socijaldemokratske partije

Zahvaljujem predsjedavajuća. Pozdravljam sve prisutne. Dakle, moja inicijativa na ovoj sjednici Gradskog vijeća je prema Službi za komunalne poslove, izgradnju i poslove mjesnih zajednica i Javnom komunalnom preduzeću Saobraćaj i komunikacije.

Dakle, inicijativa za postavljanje usporivača brzine u ulici Mitra Trigunovića Uče, na dionici kod pruge u Mjesnoj zajednici Kreka.

Naime, na inicijativu građana ove mjesne zajednice, pokrenuli smo inicijativu iz razloga velike brzine kako bi se smanjila mogućnost iste i neprilagođene brzine kroz navedenu ulicu zbog nesavjesnih vozača, a zbog čega je ugrožena bezbjednost svih učesnika u saobraćaju.

Kad smo kod inicijativa, iskoristit ću samo priliku da prethodna inicijativa na zadnjoj sjednici Gradskog vijeća, kolegica Nataša Perić i ja smo uputili inicijativu za rekonstrukciju prilaza gradskog groblja na lokalitetu Trnovac i želim, dakle, u ime građana grada Tuzle, koji su nam se obratili i u ime kolegice Perić i u moje ime, da izrazim veliko zadovoljstvo i zahvalim se Službi za komunalne poslove, izgradnju i poslove mjesnih zajednica na (nerazgovjetno izgovorena riječ op.a.) reagovanju. Oni su naime u svom odgovoru se izjasnili, dakle, da su već sagledali stanje prilaza i prilaznih platoa i da su u skladu s raspoloživim budžetskim sredstvima planirali i pokrenuli postupak javne nabavke, te imam obećanje da će se predmetni radovi izvesti u toku ove građevinske sezone. Hvala još jednom i toliko. Hvala.

NATAŠA PERIĆ

U redu. Hvala. Sljedeća vijećnička inicijativa. Vijećnik Ibeljić. (ANEL IBELJIĆ – Prilažem). Prilažete. Vijećnik Ćerim Rastoder. Neka se pripremi vijećnica Ana Pejić. (ĆERIM RASTODER – Prilažem). Prilažete i vi? (ĆERIM RASTODER – Da). I Ana i vi prilažete? Dobro. Ima li neko ko...U redu. Selma prvo. Pa vijećnik Jusić.

SELMA ĆATIBUŠIĆ

Ja imam tri vijećničke inicijative. Ujedno ću začas iskoristiti priliku da samo kažem kolegi Hasibu da nisu samo prigradske mjesne zajednice te koje su morale davati „marku na marku“, nego i u užem jezgru grada i drago mi je što je kolega Senad pokrenuo tu inicijativu da se napokon ukine odredba koja nema uporište u zakonu uopšte.

Prva vijećnička inicijativa odnosi se na davanje besplatnog parkinga za osobe koje su darovale krv više od deset puta, odnosno, dobrovoljne davaoče krvi.

Objasnjeno ću veoma...ću zaista skratiti. Znači, osobe koje su više od deset puta darovali krv, ko zna koliko su života spasile, na neki način već imaju neke beneficije tipa da im je besplatna markica, ali evo sada je i na Kantonu usvojeno da je za sve stanovnike grada Tuzle besplatna markica za zdravstvo. Smatram da bi na neki način Grad Tuzla simbolično mogao iskazati zahvalnost, a ujedno i ako to ne treba, da bude isključiv motiv, ali može djelovati motivirajuće da ljudi češće, je li, odlaze i da redovno daruju krv.

Druga vijećnička inicijativa odnosi se na redovnije i češće pranje ulica u naselju Moluhe, kao i uvođenje obaveznog mjesečnog čišćenja potoka u navedenom naselju i u mjesnoj zajednici.

Stanovnici Moluha godinama se suočavaju sa poteškoćama i problemima nedovoljne higijene ulica u navedenom naselju, a posebno nedovoljne higijene potoka koji se nalazi u Moluhama. Uzimajući u obzir da na sedmičnom nivou kroz ovo naselje procirkuliše više kamiona smeća, ulice u Moluhama, kao i potok, morali bi biti redovnije očišćeni. Dolazi period proljeća, ljeta i sve više toplijih dana koji će kao i svake godine biti uzrok dodatnog problema, neugodnog mirisa, koji će predstavljati dodatnu poteškoću stanovnicima ove mjesne zajednice, ovog naselja. Preko zime se u potoku u Moluhama nakupi i luga od loženja, korova, a isti se čiste samo kada se desi veći problem, kao na primjer: nekome se sruši potporni zid, usljed kiša i ogromne količine smeća dolazi do začepljenja i slično, što je već bilo situacija. Svakako razumijem da postoji raspored čišćenja, nekada i problem manjka radnika, ali molim vas da razmotrite ovu inicijativu, da je uzmete u obzir, pogotovo zato što je ista u više navrata bila sugestija i direktno od strane ljudi koji žive u ovom naselju.

I treća vijećnička inicijativa jeste davanje takozvanog poklon paketa za punoljetstvo od strane Grada Tuzle.

Po uzoru na inicijativu za davanje besplatne karte za Narodno pozorište u godini kada osoba rođena u Tuzli napuni 18 godina, dajem prijedlog za na neki način proširenje ove inicijative. Ustanova ili preduzeće čiji je osnivač Grad Tuzla bi izabrala nešto što bi poklonila za godinu dana u kojoj naši mladi sugrađani pune 18 godina. Naravno, ne bi to radilo svako preduzeće i ustanova, nego oni koji su u mogućnosti i koji ima smisla da nešto poklone. Na primjer: Panonska jezera bi mogla pokloniti sezonsku kartu za godinu gdje, za tu godinu, tj. tu sezonu gdje osoba puni 18 godina. Ujedno bi Gradonačelnik slao čestitku za sticanje statusa punoljetne osobe, jer to svakako predstavlja značajan period razvoja svake ličnosti, a Grad Tuzla bi pokazao da vodi računa i da mu je više stalo do mladih ljudi. Praksa koja se već koristi, a koja se odnosi na slanje pisama od strane Gradonačelnika Tuzle za polazak u školu je čin koji je svakako izazvao zahvalnost i pohvale, te smatram da bi i ovakva jedna inicijativa naišla na isto. Molim vas da razmotrite ovu inicijativu i mogućnost za realizaciju iste. Hvala.

NATAŠA PERIĆ

U redu. Hvala. Vijećnik Nedžad Jusić. Neka se pripremi vijećnik Berbić.

NEDŽAD JUSIĆ – nezavisni vijećnik iz reda nacionalnih manjina

Poštovana predsjedavajuća, kolege, kolegice, vijećnici, vijećnice, sekretaru, predstavnici gradskih službi, javnih preduzeća i ustanova i drugi, želim da vas pozdravim.

U skladu sa Poslovnikom o radu Gradskog vijeća Tuzla podnosim inicijativu Službi za kulturu, sport, mlade i socijalnu zaštitu, da se pripremi informacija o stanju i položaju nacionalnih manjina u gradu Tuzla, te istu dostavi Gradskom vijeću na jednoj od narednih sjednica.

S obzirom da u gradu Tuzla živi veći broj nacionalnih i različitih nacionalnih manjina, smatram da nacionalne manjine zaslužuju da Gradsko vijeće na jednoj od narednih sjednica razmatra stanje i položaj nacionalnih manjina u gradu Tuzla kako bi zauzeli određene stavovi iako smo do sada i u prethodnom periodu upuštali se na kraj krajeva u realizaciju određenih aktivnosti, kako bi doprinijeli bolji položaj i stanje nacionalnih manjina u gradu Tuzla, al mislim ovako da ću imati jedan pisani trag, gdje ćemo, između ostalog, raspravljati i donijeti određene zaključke i ovom bi prilikom takođe pozvao sve nacionalne manjine, odnosno predstavnike, a i pojedinačno, na kraj krajeva, da se uključe u izradi ove informacije, da pomognu na kraj krajeva Službi za kulturu, sport, mlade i socijalnu zaštitu, kako bi imali što kvalitetniju informaciju o stanju i položaju nacionalnih manjina u gradu Tuzla. Hvala.

NATAŠA PERIĆ

U redu. Hvala. Vijećnik Berbić. Izvolite.

OMER BERBIĆ

Hvala ljepo. Evo moja prva inicijativa je da se toplificira ulica Ive Andrića, Batva i Mladena Stojanovića.

Ovdje su mi se obratili građani peticijom. Ja ću tu peticiju dostaviti. Naime, oni traže toplifikaciju i moramo reći to s pravom traže toplifikaciju.

Moja druga inicijativa je evo identična kao Selmina, ovaj, nismo se dogovorili, ali na jedan sličan način razmišljamo. Znači, da se obezbijedi besplatan parking faktički za dobrovoljne davaoce krvi. Mislim da bi to bila jedna ljepa inicijativa, jedan ljep podsticaj Grada Tuzle, da se što više ljudi odluči na ovaj korak.

I moja treća inicijativa, iako to možda ne bi trebalo u formi inicijative, al evo što se kaže, po načinu odgovaranja na naše inicijative i jednim, ovaj, ponašanjem, koja ja, ja moram reći ne priliči odgovoru prema gradskim vijećnicima, ja podnosim inicijativu za razrješavanje dužnosti direktora Doma zdravlja i to užeg, užeg rukovodstva. Mislim da evo kolega Hasib i par nas je više puta komentarisalo način na koji se direktor, odnosno možda neko ko piše te inicijative, al to je opet pod njegovom kontrolom odnosi prema vijećnicima. Način na koji odgovara je krajnje neprimjeren, bahat. Svi znamo kakva je situacija u Domu zdravlja. Da je više službi u katastrofalnom stanju. Da su ljudi generalno nezadovoljni i mislim da bi zaista bilo vrijeme da se tu postavi neko mlađi, neka osoba koja će zavrnut rukave i krenut da radi. Pa evo, bez obzira odakle, ko, kako dolazio. Mislim da je to stvar koja se podhitno mora uraditi, a i to javnost, javno mijenje od nas već jedan duži period zahtjeva i kolmuniralo je time što smo dobili bili i

faktički e-mail od Karton revolucija koja je, ovaj, zaista uporna, da se ova stvar na ovaj način riješi. Hvala ljepo.

NATAŠA PERIĆ

U redu. Hvala. Dal još neko ima inicijativu, da nije priložio? Dobro.

Prelazimo na drugu tačku Dnevnog reda:

RAZMATRANJE I USVAJANJE:

a) ODLUKE O RASPISIVANJU JAVNOG OGLASA ZA IZBOR I IMENOVANJE ČLANA NADZORNOG ODBORA U JAVNOM PREDUZEĆU RAZVOJNO PODUZETNIČKI CENTAR TUZLA – INKUBATOR “LIPNICA” D.O.O. TUZLA, ČIJI JE OSNIVAČ GRAD TUZLA (sa tekstom javnog oglasa)

b) ODLUKE O UTVRĐIVANJU POSEBNIH USLOVA I KRITERIJA ZA IZBOR I IMENOVANJE ČLANA NADZORNOG ODBORA U JAVNOM PREDUZEĆU RAZVOJNO PODUZETNIČKI CENTAR TUZLA – INKUBATOR “LIPNICA” D.O.O. TUZLA, ČIJI JE OSNIVAČ GRAD TUZLA I

c) RJEŠENJE O IMENOVANJU KOMISIJE ZA IZBOR ČLANA NADZORNOG ODBORA U JAVNOM PREDUZEĆU RAZVOJNO PODUZETNIČKI CENTAR TUZLA – INKUBATOR “LIPNICA” D.O.O. TUZLA, ČIJI JE OSNIVAČ GRAD TUZLA

Predlagač je: gradonačelnik Grada Tuzla.

Obrađivač: Služba za ekonomski razvoj, poduzetništvo i poljoprivredu.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo, Komisija za izbor i imenovanja (pod c) i klubovi vijećnika.

Ima li potrebe za uvodnim izlaganjem?

Ima li potrebe da se pročitaju izvještaji komisija?

Otvaram raspravu klubova vijećnika. Zatvaram raspravu klubova vijećnika.

Otvaram raspravu vijećnika. Zatvaram raspravu vijećnika i stavljam na izjašnjanje pročitane odluke i rješenje pod c).

Glasanje je okončano.

Konstatujem da je ODLUKA O RASPISIVANJU JAVNOG OGLASA ZA IZBOR I IMENOVANJE ČLANOVA NADZORNOG ODBORA U JAVNOM PREDUZEĆU RAZVOJNO PODUZETNIČKI CENTAR TUZLA – INKUBATOR “LIPNICA” D.O.O. TUZLA, ČIJI JE OSNIVAČ GRAD TUZLA (sa tekstom javnog oglasa), zatim ODLUKA O UTVRĐIVANJU POSEBNIH USLOVA I KRITERIJA ZA IZBOR I IMENOVANJE ČLANA NADZORNOG ODBORA U JAVNOM PREDUZEĆU RAZVOJNO PODUZETNIČKI CENTAR TUZLA – INKUBATOR “LIPNICA” D.O.O. TUZLA, ČIJI JE OSNIVAČ GRAD TUZLA I RJEŠENJE O IMENOVANJU KOMISIJE ZA IZBOR ČLANA NADZORNOG ODBORA U JAVNOM PREDUZEĆU RAZVOJNO PODUZETNIČKI CENTAR TUZLA – INKUBATOR “LIPNICA” D.O.O. TUZLA, ČIJI JE OSNIVAČ GRAD TUZLA,

usvojen sa 22 glasa za, niko nije bio protiv i nije bilo suzdržanih.

Prelazimo na treću tačku:

RAZMATRANJE I USVAJANJE:

a) Odluke o davanju saglasnosti na zaključenje ugovora o zakupu poslovne prostorije sa UDRUŽENJE BOSANSKA FAMILIJA “BOSFAM”

b) Odluke o davanju saglasnosti na zaključenje ugovora o zakupu poslovne prostorije sa Udruženjem građana „PADOBRANACA”

c) Odluke o davanju saglasnosti na zaključenje ugovora o zakupu poslovne prostorije sa zakupcem Turistička zajednica grada Tuzla

Predlagač je: gradonačelnik Grada Tuzla.

Obrađivač: Služba za ekonomski razvoj, poduzetništvo i poljoprivredu.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i klubovi vijećnika.

Ima li potrebe za uvodnim izlaganjem?

Ima li potrebe da se pročitaju izvještaji komisija? Nema.

Otvaram raspravu klubova vijećnika. Zatvaram raspravu klubova vijećnika.

Otvaram raspravu vijećnika.

Stavljam na izjašnjavanje pročitane odluke. Molim vijećnike da se izjasne.

Glasanje je okončano.

Konstatujem da je Odluka o davanju saglasnosti na zaključenje ugovora o zakupu poslovne prostorije sa UDRUŽENJE BOSANSKA FAMILIJA “BOSFAM”, Odluka o davanju saglasnosti na zaključenje ugovora o zakupu poslovne prostorije sa Udruženjem građana „PADOBRANACA” i Odluka o davanju saglasnosti na zaključenje ugovora o zakupu poslovne prostorije sa zakupcem Turistička zajednica grada Tuzla, usvojena sa

24 glasa za, niko nije bio protiv i nije bilo suzdržanih.

Prelazimo na četvrtu tačku Dnevnog reda:

RAZMATRANJE I USVAJANJE ODLUKE O RASPISIVANJU JAVNOG OGLASA O DAVANJU U ZAKUP POSLOVNIH PROSTORIJA

Predlagač je: gradonačelnik.

Obrađivač: Služba za ekonomski razvoj, poduzetništvo i poljoprivredu.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i klubovi vijećnika.

Ima li potrebe za uvodnim izlaganjem?

Ima li potrebe da se pročitaju izvještaji komisija? U redu.

Otvaram raspravu klubova vijećnika. Zatvaram raspravu klubova vijećnika.

Otvaram raspravu vijećnika.

Stavljam na izjašnjavanje ODLUKU O RASPISIVANJU JAVNOG OGLASA O DAVANJU U ZAKUP POSLOVNIH PROSTORIJA. Molim vijećnike da se izjasne.

Glasanje je okončano.

Konstatujem da je ODLUKA O RASPISIVANJU JAVNOG OGLASA O DAVANJU U ZAKUP POSLOVNIH PROSTORIJA, usvojena sa

24 glasa za, nije bilo protiv i nije bilo suzdržanih.

Prelazimo na petu tačku Dnevnog reda:

RAZMATRANJE I USVAJANJE ODLUKE O PROSJEČNOJ KONAČNOJ GRAĐEVINSKOJ CIJENI STAMBENOG PROSTORA IZ PRETHODNE GODINE

Predlagač je: gradonačelnik.

Obrađivač: Služba za geodetske i imovinsko – pravne poslove.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i klubovi vijećnika.

Ima li potrebe za uvodnim izlaganjem? (MENSUR ALIĆ – Može). Može? (MENSUR ALIĆ – Treba, ovaj...). U redu. Ako treba. Izvolite. (MENSUR ALIĆ – Da izađe, zbog toga, objasni. Mnogi ne znaju zbog čega i zašto mi donosimo ovaku, ovaj...). U redu je. (MENSUR ALIĆ – Uvodno samo). U redu. Izvolite. (MENSUR ALIĆ - Da znaju, jer neki vijećnici ne znaju zbog čega mi donosimo ovo i zašto, a po zakonu smo dužni. Hvala). Jasmina Šimleša ispred...pomoćnik gradonačelnika za geodetsko i imovinsko...ukratko samo.

JASMINA HASANEFENDIĆ - ŠIMLEŠA – Pomoćnik gradonačelnika za Službu za geodetske i imovinsko – pravne poslove

Popštovane vijećnice i vijećnici, predsjedavajuća, dopredsjedavajuća, sekretar, sve vas pozdravljam. Dakle, odluka o prosječnoj konačnoj građevinskoj cijeni stambenog prostora iz prethodne godine se donosi svake godine i za njom postoji obaveza shodno Zakonu o građevinskom zemljištu Federacije Bosne i Hercegovine, s obzirom da ova cijena služi kao osnovica za utvrđivanje naknade za pogodnosti koji mogu nastati prilikom korištenja gradskog građevinskog zemljišta. Dakle, ovo je osnovica za obračun rente u postupku izdavanja potrebnih odobrenja za građenje.

Dakle, svake godine pribavljaju se cijene koštanja jednog metra kvadratnog od privrednih društava koje na području grada Tuzle imaju kao osnovnu djelatnost građenje, nakon što pribavimo njihove cijene koštanja, na osnovu njih se, odnosno prosjeka tih cijena izračunava osnovica za obračun rente.

Ove godine ona, kao što ste vidjeli iznosi 1.439 Konvertibilnih maraka i obračunavat će se u postupcima kod izdavanja dozvola za građenje. Dakle, nešto je viša u odnosu na prethodnu godinu, a shodno povećanju cijena građevinskog materijala. Hvala.

NATAŠA PERIĆ

Dobro. Hvala vam Jasmina. Može još samo malo da...moram otvorit raspravu. Izvolite. Sjedite.

Ima li potrebe da se pročitaju izvještaji komisija? Dobro.

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika. Vijećnik Kapidžić. Izvolite.

ALEN KAPIDŽIĆ – vijećnik Socijaldemokratske partije

Hvala predsjedavajuća. Pa evo meni je drago što, što je izašao obrađivač da obrazloži. Ovo mene sad, pošto ovdje piše da je prosječna cijena 1.439 Konvertibilnih maraka, jel tako? A evo već ste rekli da to služi kao osnovica za izračun rente. Kako onda mi donosimo odluku da je prosječna cijena takva, a vi nemate u Tuzli kvadrat ispod tri i po hiljade maraka? Nije to to. Evo to me interesuje, ali ja ne znam, al me interesuje kako? Na osnovu čega smo mi donijeli prosječnu cijenu (NATAŠA PERIĆ – Molim vas malo tišne) i bi li u slučaju da ova prosječna cijena veća, bi li renta bila veća? Vjerovatno bi. Ja pretpostavljam. Hvala.

NATAŠA PERIĆ

U redu. Hvala. Dal se još neko...aha, vijećnik Nikica Vidović. Izvolite.

NIKICA VIDOVIĆ

Eh hvala. Pa ja bi ovo slično pitanje postavio, jer prošle godine sam takođe postavio, pa nisam, ovaj, po meni dobio adekvatan odgovor. Ovo pitanje je sasvim normalno i upitani smo mi kao vijećnici. Razumijem da je ovo podatak koji mi dobivamo, ali mi moramo i ljudima koji nas pitaju, ovaj, dat neko obrazloženje.

Naravno da se i meni ne slaže i nije mi jasno. Ovo može služiti, znači da mi po povoljnijoj cijeni dajemo neke dozvole. Ne znam. Govorim objašnjenja koja su mene ljudi pitali. Dsamo prenosim. I zašto je ta cijena izuzetno niska? Ja pratim tri četiri godine i onaj stotinjak, stopedeset maraka povećala se, a stanovi su čak duplirali se u zadnje dvije godine. Zašto ovaj podatak i sam nije skočio ili je onda kao što sam i prošle godine jesul razlike u cijenama dovoda struje, grijanja, vode i ostalih stvari, cijene koštanja zemljišta, znamo da je poskupilo. Ali evo da imamo neku adekvatniju, adekvatniji odgovor koji mi možemo ljudima koji su zainteresirani za kupovinu dat kao jedno dobro kvalitetno obrazloženje.

Nikome nije jasno ovolika razlika. Naravno, mnogima nije jasno zašto je ova cijena kvadrata stana u Tuzli koji je enormno zagađen i tako dalje i tako dalje. Dal je to sad po cijeni kvadrata zemljišta u ovom definitivno još jednom malom broju kvadrata koji možemo prodat? Pa ćemo krenut za neku jeftiniju varijantu, jeftiniji cijenu kvadrata zemljišta, pa će možda i cijene spast, što definitivno nije slučaj u zadnjih par godina.

Mnogi ljudi postavljaju pitanje, pogotov evo mladi ljudi, kojim kriterijima ovoliko cijena raste? A mi službeno ćemo usvajamo i usvajali smo evo godinama neku enormno nisku cijenu i nismo dobili obrazloženje u jednom dijelu razlike prema toj, ne znam, tri tisuće il tri i po tisuće (NATAŠA PERIĆ – Molim vas tišine malo) kvadrata, ovaj, dal je to i profit silni il je tako? Govorim samo pitanja koja su nama postavljena i na koja na primjer evo ja ne znam dat odgovor. Evo ja iskreno da kažem ne znam i da mi je neko da mi obrazloži da bi i ja kao tako s nekim boljim odgovorom mogao odgovoriti ljudima onim ljudima koji me pitaju. Hvala.

NATAŠA PERIĆ

U redu. Hvala. Dal se još neko javlja od vijećnika. Molim vas malo tišine.

Zaključujem raspravu vijećnika.

Zamoliti ću Jasminu da nam da odgovore na pitanja koji su vijećnici postavili.

JASMINA HASANEFENDIĆ - ŠIMLEŠA – Pomoćnik gradonačelnika za Službu za geodetske i imovinsko – pravne poslove

Dakle, cijena prodaje stanova i cijena koštanja izgradnje su dvije različite cijene. Nisam ekonomista, dakle, ne baratam stručnim, ovaj, pojmovima u vezi sa utvrđenim cijenama, ali trebamo napraviti razliku.

Dakle, firme prodaju i sigurno da ostvaruju profit. To su privatne građevinske firme koje grade i prodaju i u njihovoj cijeni sigurno da postoji i profit.

Cijena koštanja, u cijenu koštanja ne ulazi cijena zemljišta koju oni plate, niti ulazi cijena dovođenja različitih komunalnih priključaka. Dakle, ovo je cijena koja uključuje cijenu izgradnje sa građevinskim materijalom. Dakle, bez ovih ostalih komunalnih priključaka i koštanja zemljišta koje oni plate. Dakle, vjerovatno kad sve to saberu, plus svoj profit, oni prodaju na tržištu po cijenama koje prodaju. To su tržišne cijene.

Cijena koštanja izgradnje služi kao osnovica za izračun rente. Dakle, mi kad prodajemo svoje zemljište, prodajemo ga na osnovu, po cijeni koju je utvrdio vještak, a uzimajući u obzir sve one kriterije relevantne za prodaju zemljišta. A ponovo, dakle, za svaku gradnju, dakle, bilo

da se radi o zemljištu koje smo mi prodali ili ne, za svaku gradnju se naplaćuje renta, a to je ona pogodnost koja nastaje kod korištenja gradskog građevinskog zemljišta.

I mi po Zakonu o građevinskom zemljištu imamo pravo naplatiti tu rentu. Dakle, mi nismo u mogućnosti, to nije tržišna cijena na osnovu koje bismo mi mogli, dakle to nam niti zakon ne dozvoljava, na osnovu koje bismo mi mogli utvrditi osnovicu za obračun rente. Dakle, postoje i druge naknade koje, koje se nama plaćaju kod izgradnje objekata. Ali ovo je prosto, znači, cijena, odnosno osnovica za obračun rente koje smo mi mogli na osnovu onih cijena koštanja koju dostave te građevinske firme. I vidjeli ste u obrazloženju kod jednih je ta cijena iznosila 1.098 maraka, a kod drugih 1.500, pa opet 1.500 maraka, 1.480. Jedna je firma dostavila da je njih koštala cijena izgradnja 1.607 maraka po metru kvadratnom.

I mi tako, dakle, saberemo ove cijene, ona prosječna nama služi kao obračun. Sad mi možemo pretpostaviti koliko oni profita ostvaruju. Mislim to je samo pretpostavka. Ne možemo znati koliki je zaista njihov profit. Evo. (NATAŠA PERIĆ – U redu. Hvala vam). Molim.

NATAŠA PERIĆ

Stavljam na izjašnjavanje ODLUKU O PROSJEČNOJ KONAČNOJ GRAĐEVINSKOJ CIJENI STAMBENOG PROSTORA IZ PRETHODNE GODINE. Molim vijećnike da se izjasne. Glasanje je okončano.

Konstatujem da je ODLUKA O PROSJEČNOJ GRAĐEVINSKOJ CIJENI STAMBENOG PROSTORA IZ PRETHODNE GODINE, usvojena sa
23 glasa za, niko nije bio protiv i 2 suzdržana.

Prelazimo na šestu tačku Dnevnog reda:

RAZMATRANJE I USVAJANJE ODLUKE O PRESTANKU PRAVA GRAĐENJA NA NEKRETNINI U VLASNIŠTVU GRADA TUZLA

Predlagač je: gradonačelnik.

Obrađivač: Služba za geodetske i imovinsko – pravne poslove.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo, Komisija za prostorno uređenje i zaštitu okoline i klubovi vijećnika.

Ima li potrebe za uvodnim izlaganjem? Ima. U redu. Zamoliću opet gospođu Jasminu Šimlešu da da uvodno izlaganje.

JASMINA HASANEFENDIĆ - ŠIMLEŠA – Pomoćnik gradonačelnika za Službu za geodetske i imovinsko – pravne poslove

Dakle, odlukom Gradskog vijeća iz 2020. godine, uspostavljeno je pravo građenja u poslovnoj zoni Kreka – Sjever u Tuzli u korist „Probosing“ d.o.o. poslovno društvo za projektovanje i inženjering Tuzla. Na osnovu javnog nadmetanja i licitacije Probosing je dakle postao nosilac prava građenja u poslovnoj zoni Kreka – Sjever u Tuzli na jednoj od parcela u vlasništvu Grada Tuzle.

Prema odlukama o osnivanju prava građenja, kao i ugovor koji je Probosing zaključio s Gradom Tuzlom, bio je obavezan u određenom vremenskom periodu, tačnije odmah nakon uknjižbe prava građenja podnijeti zahtjev za pribavljanje dozvola za građenje, dakle, urbanističke saglasnosti, građevinske i tako dalje.

Probosing kao nosilac prava građenja nije ispoštovao ugovor, dakle nije u predviđenim rokovima, a niti nakon isteka tih rokova podnio zahtjev za izdavanje rješenja o odobrenju za

građenje. Ne nisam sigurna čak niti da je urbanističku saglasno...za urbanističku saglasnost podnio zahtjev. Dakle, protekli su ugovorni rokovi, protekli su rokovi iz odluka koje je Gradsko vijeće usvojilo i evo stekli su se uslovi da se donese odluka o prestanku prava građenja. Time će ova parcela u poslovnoj zoni Kreka – Sjever u Tuzli biti slobodna i mi ćemo već narednih mjeseci imati pripremljene odluke, dakle, u zavisnosti od stava i dogovora, odluke o raspisivanju konkursa za javno nadmetanje i licitaciju za tri nove parcele u poslovnoj zoni Kreka – Sjever u Tuzli. Dakle, dvije su potpune nove i plus ova koja se ovom odlukom oslobađa.

NATAŠA PERIĆ

Dobro. Hvala vam. Da li ima potrebe da se pročitaju izvještaji komisija?

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika. Hoćete vi? (ZORAN JOVANOVIĆ – Evo prvo doktor). A evo doktor Rifatbegović, pa ćemo onda Zoran.

ZIJAH RIFATBEGOVIĆ – vijećnik Stranke demokratske akcije

Vrlo ću kratko. Želim pohvalit, ovaj, aktivnosti koje su provedene i uvažena gospođa što je prezentirala. Mislim da upravo ovakav način rada i ovakva jedna sistematična, sistematično razlozi za donošenje ovakve odluke koje su prezentirani, pokazuju da ćemo mi ipak u našem gradu uspjeti tu gradnju staviti pod kontrolu, jel ako nemate i dobili ste povjerenje, ovaj grada i nemate i niste obezbijedili sve potrebne dozvole da to sve bude kako treba, mislim da je potpuno ova odluka, odluka, ovaj, u skladu sa postojećim zakonima i u skladu, je li, sa, sa jednim, sa jednim, ovaj, možemo reći, sigurno kvalitetnim radom službe.

Evo zato sam to želio da naglasim. Hvala vam lijepo.

NATAŠA PERIĆ

U redu. Hvala. Vijećnik Jovanović. Izvolite.

ZORAN JOVANOVIĆ

Pa ništa, ovaj, da sam znao da će ovo reć što sam ja mislio, ne bi mu dao prednost. Odustajem.

NATAŠA PERIĆ

Dobro. Stavljam na izjašnjavaње ODLUKU O PRESTANKU PRAVA GRAĐENJA NA NEKRETNINI U VLASNIŠTVU GRADA TUZLE. Molim vijećnike da se izjasne. I hvala Jasmina.

Glasanje je okončano. Molim vas malo tišine. Konstatujem da je ODLUKA O PRESTANKU PRAVA GRAĐENJA NA NEKRETNINI U VLASNIŠTVU GRADA TUZLE, usvojena sa

21 glas za, nije bilo protiv i 3 suzdržana.

Sedma tačka:

RAZMATRANJE I USVAJANJE ODLUKE O IMENOVANJU INVESTICIJSKOG MENADŽERA ZA GRAD TUZLU

Predlagač je: gradonačelnik.

Obrađivač: Služba za budžet i finansije.

Materijal su razmatrali: Komisija za statutarna pitanja i propise, Komisija za ekonomske odnose i klubovi vijećnika.

Ima li potrebe za uvodnim izlaganjem? (MENSUR ALIĆ – Ima. Da bude jasno svima). Dobro. Molim uvodno izlaganje. Izvolite. Suada Isaković, ispred Službe za budžet i finansije.

SUADA ISAKOVIĆ – Pomoćnik gradonačelnika za Službu za budžet i finansije

Pozdravljam sve prisutne. Ova odluka je danas predložena iz formalnih razloga. Vi znate da je Gradsko vijeće ranije donijelo ovu odluku, kada je na funkciji bio VD gradonačelnik Zijad Lugavić. Međutim, obzirom da su okončani izbori konačni, izabran je gradonačelnik Grada, iz tog razloga se predlaže ova odluka, jer je prethodna važila do konačnog izbora gradonačelnika. Znači, to je razlog zašto donosimo ovu odluku.

NATAŠA PERIĆ

U redu. Hvala vam. Da li ima potrebe da se pročitaju izvještaji komisija? Dobro.

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika i stavljam na izjašnjavanje ODLUKU O IMENOVANJU INVESTICIJSKOG MENADŽERA ZA GRAD TUZLU. Molim vijećnike da se izjasne. Glasanje je okončano. Konstatujem da je ODLUKA O IMENOVANJU INVESTICIJSKOG MENADŽERA ZA GRAD TUZLU, usvojena sa

25 glasova za, nije bilo protiv i nije bilo suzdržanih.

Dajem pauzu od 30 (trideset) minuta. (Pauza).

Pozivam vijećnike da uđu u salu. Nastavljamo sa radom. Nastavljamo sa radom.

Osma tačka Dnevnog reda:

RAZMATRANJE I USVAJANJE IZVJEŠTAJA O REALIZACIJI AKCIONOG PLANA IZ PLANA UPRAVLJANJA OTPADOM ZA GRAD TUZLA 2017-2022.

Predlagač je: gradonačelnik.

Obrađivač: Radna grupa za praćenje realizacije Plana upravljanja otpadom 2017 – 2022.

Materijal su razmatrali: Komisija za prostorno uređenje i zaštitu okoline, Komisija za komunalne poslove i pitanja mjesnih zajednica i klubovi vijećnika.

Ima li potrebe za uvodnim izlaganjem? Ima.

Zamoliću gospođu Mirelu Uljić, pomoćnika gradonačelnika Službe za komunalne poslove, da da uvodno izlaganje.

**MIRELA ULJIĆ - Pomoćnik gradonačelnika
za Službu za komunalne poslove,
izgradnju i poslove mjesnih zajednica**

Poštovane vijećnice i vijećnici. Svojevremeno je kroz jedan malo širi projekat, zapravo po prvi put uspostavljena obaveza jedinice lokalne samouprave, da napravi petogodišnji plan upravljanja otpadom, imajući u vudi činjenicu da je zapravo prikupljanje i odlaganje otpada komunalna djelatnost i isključivo u obavezi jedinice lokalne samouprave po našim propisima.

Dakle, tim koji je svojevremeno kroz taj projekat formiran, sačinjavali su predstavnici više različitih službi, Javnog komunalnog preduzeća Komunalac i Centra za ekologiju i energiju, koji sve ove godine kao sa renomeom nevladinih organizacija iz oblasti okoliša zapravo radi i pomaže jedinicama lokalne samouprave u realizaciji njihovih različitih obaveza po pitanju zaštite okoliša, konkretno i u ovom projektu.

Početakom 2018. je Gradsko vijeće upoznato i dalo saglasnost, na neki način usvojilo taj plan upravljanja otpadom za grad Tuzlu, za pet godina. Sastavni dio tog plana upravljanja bio je akcioni plan sa više različitih aktivnosti svrstanih i mjera, svrstanih u nekoliko ciljeva i zapravo nam je evo sad obaveza da izvijestimo Vijeće. Šta se to zapravo realizovalo u proteklih pet godina? A čini nam da se prilično stvari aktivnosti po pitanju prije svega primarne selekcije otpada na mjestu nastanka pokrenulo u našem gradu.

Primjera radi, u većini naselja sa kolektivnim stanovanjem, na mjestima gdje su grupisani dva, tri, četiri ili više posuda za odlaganje otpada. To su oni kontejneri, zapravo postavljeno je 59 tipskih objekata, za smještaj kontejnera za odlaganje različitog ambalažnog otpada. U tih 59 tipskih objekata, čiji izgled je osmislio Zavod za urbanizam, čiji predstavnici su takođe aktivnu ulogu imali u ovoj grupi koja je zapravo pratila realizaciju plana upravljanja otpadom, postavljeno je više desetaka kontejnera, novih kontejnera za ambalažni otpad, prije svega, jer su svi oni za miješani koji su mogli biti zadržani zapravo i zadržani. I dodatno je postavljeno i nekoliko desetaka onih zelenih kontejnera za odlaganje stakla.

U samom centru grada primijetili smo, u onom naj užem centru grada, da zapravo nema dovoljno prostora za smještaj tih tipskih objekata, nego je analizirana svaka mogućnost, kako bi se ti, ona mjesta sa kontejnerima koja su zaista najčešće ne reprezentativna, ovaj, ne izgledaju nimalo lijepo, mogla nekako urediti. Odlučili smo, opet je Zavod za urbanizam to dodatno nacrtao i osmislio i postavljeno je sedam nadstrešnica, znači, funkcija tih nadstrešnica je da na svojevrsan način ipak malo sakriju vizuelno te kontejnere u strogom centru grada. Išli bismo i sa većim brojem, al najčešće to su problem prostorne mogućnosti, a pri tome još i funkcija da, dakle, natkriju te kontejnere koji vrlo često, zapravo ostanu otvoreni i evo da kažem, opet da se dodatno sakriju od pogleda.

Pored ovih nadstrešnica i tipskih objekata, u naseljima sa kolektivnim objektima, započet je proces isporuke svakom domaćinstvu u individualnim, zonama individualnog stanovanja, dakle, tamo gdje su individualni stambeni objekti. I naravno ukoliko se radi o redovnim platišama te usluge, komunalne usluge odvoženja otpada. Za takvih pet hiljada domaćinstava su isporučene u dvije boje kante. Jedna zelena za miješani otpad i žuta za ambalažni otpad i polako se dakle ona za ambalažni otpad, ona je naravno veće zapremine i naši se polako sugrađani zapravo nekako prihvataju, da kažem da odvajaju u svom domaćinstvu, bar na te dvije vrste otpad i onda se zavisno od frekvencije punjenja jednog, odnosno drugog otpada vrši i odvoženje njihovo.

Na samoj deponiji Desetine je jedna, to je takođe jedna od da kažem ono postavljenih aktivnosti i zadataka. Formirana je površina sa namjenom Kompostane, a zapravo to je prostor uređeni na koji se sav zeleni otpad prikupljen sa javnih zelenih površina: trava, lišće, manje ili veće grane i komadi da kažem stabla, zapravo dovoze, više ne odlažu u tijelo deponije, nego se

mašinama nabavljenim mehanizacijom za tu namjenu, onaj krupni zeleni otpad drobi i biološki razgrađuje do komposta.

Kompost je vrlo koristan materijal koji istovremeno Komunalcu služi za njegove potrebe opet za održavanje javnih zelenih površina, ali svaki od naših sugrađana može otići, zasad još uvijek besplatno preuzeti kompost, ukoliko ga u tom momentu ima spremnog već proizvedenog na samoj Deponiji.

Sljedeća od aktivnosti koja je planirana i urađena jeste uspostavljanje odvoženja kabastog otpada. Naime, u svakom našem domaćinstvu ciklično nastaje potreba za deponovanje tog kabastog otpada, bio to namještaj ili bilo šta drugo tako krupno iz domaćinstava i kroz jedan veći projekat preko granične saradnje Tuzle i Užica, konkretno Bosne i Hercegovine i Srbije, sredstvima Evropske Unije, zapravo je omogućena uspostava ovog modela da se, prošle godine dok je trajao taj projekat zapravo bilo dovoljno sredstava da se javnosti, našim sugrađanima, svima nama približi, pa je u onim zonama kolektivnog stanovanja jedan vikend u mjesecu bio, takozvani narandžasti vikend, gdje je putem medija stanovništvo obaviješteno koji je to vikend, na kojim mjestima su postavljene velike one narandžaste peke, u koje smo svi mi mogli odlagati bez ikakve naknade kabasti otpad iz našeg domaćinstva.

Dodatno šta je zamišljeno i zaista funkcioniše da svako od nas ima pravo uz predočenje računa za plaćanje ove komunalne usluge, da u bilo koje doba u radnoj sedmici dok radi, da kažem, Deponija da svoj komunalni otpad odveze i besplatno ostavi na Deponiji.

Ono po čemu smo vjerovatno prvi, ali evo reći ću među prvim, jeste da je u Tuzli uspostavljen i sistem odlaganja u posebne posude elektroničkog i elektronskog otpada, pa na 21 mjestu, zapravo u Tuzli su postavljene posude za odlaganje elektronskog otpada, ali firma koja je registrovana i sa kojom imamo da kažem ono saradnju, to je firma ZEOS. Ona čak omogućava i dostavu onih krupnih elektronskih uređaja, poput bijele tehnike da, dakle, preuzme i zbrine na adekvatan način.

Ono što smo da kažem ovako pokušali institucionalno uraditi, jeste da služba i uspjeli, da Služba za prostorno uređenje prilikom izdavanja urbanističke saglasnosti, a rijetko sad već odobrenja za građenje, dakle, na samom početku uspostavi pravila investitoru da zna mjesto gdje će postaviti svoje posude za odlaganje otpada i da naravno uz komunalčevu saglasnost zapravo zna zavisno od broja jedinica različite namjene koju investitor gradi, govorim o stambenim ili poslovnim, zna koji je to broj posuda koje treba da postave na odgovarajuće mjesto i da se obaveže, dakle, da na isti način kao što smo mi tipizirali onih gotovo 80 tipskih objekata, dakle, da svaki investitor budućeg objekta ima takvu obavezu.

Ono što definitivno je u kontinuitetu borba i što smo primijetili da ne možemo nikako stati i ma kako pokušavali to i sa nadležnom inspekcijom, jeste da kažem uklanjanje divljih deponija. Najčešće naši sugrađani, to je čak i u područjima gdje je definitivno vrlo dobra, dobar sistem od vožnje, odvoženja otpada, uspostavljen. Formiraju se divlje deponije. Nažalost one su najčešće na jako teško dostupnim mjestima, da se uopšte sav taj nelegalno deponovani i sredstveni otpad u šumi, u prirodi, u rije...u, u, u vodotoku, da se on iznese odatle i odnese na Deponiju.

Ma kako mi to radili, takve mi još uvijek imamo ono da kažem lokacije na kojem se to prilično često dešava. Pokušavaju se na tim mjestima postaviti fizičke prepreke, no međutim, izgleda da ni te fizičke prepreke zapravo neće demoralisati da kažem, ovaj, počinioce, definitivno nečega što nije u skladu sa propisom.

Dakle, u ovom ne tako dugom dokumentu dat je i set fotodokumentije, niz fotodokumenata, šta je sve to urađeno. Medijski se probalo pratiti za sve ove godine, svaka aktivnost koju je radio ili Komunalac ili Gradska uprava ili Centar za ekologiju i energiju. Dakle, želim posebno, da stvarno podcrtam značaj Centra za ekologiju i energiju u svim ovim našim aktivnostima u proteklih pet godina.

No, međutim, želim takođe da najavim da, dakle, kažem da gradonačelnik, kao što je i prošli puta formiran tim, takođe svojim rješenjem formirao tim čija je već zadaća da kreira novi petogodišnji plan, sa kojim ćemo mi možda čak za narednu jednu ili dvije sjednice Gradskog vijeća izaći i upoznati zapravo kroz taj plan Vijeće šta mi to smo prepoznali kao slabe tačke za narednih pet godina, a ima ih jako puno i na čemu zapravo se planira raditi kroz sličan akcioni plan, kao što je bio i u ovom planu. E hvala.

NATAŠA PERIĆ

Hvala vam Mirela pa nakon diskusija ako bude pitanja odgovorit ćete na...
Da li ima potrebe da se pročitaju izvještaji komisija? (Nema.)
Otvaram raspravu klubova vijećnika. Vijećnica Selma Čatibušić. Izvolite.

SELMA ČATIBUŠIĆ

Pa evo ja ću postaviti samo nekoliko pitanja pa gospođa može odgovoriti na, na ona pitanja evo za koje ima odgovore.

Mene interesuje koliko je zvanično da li se zna broj divljih deponija na području grada Tuzle koji su eto kao definisane zvanično kao deponija?

Kada je u pitanju odlaganje kabastog otpada da li postoji mogućnost da to ipak bude dva puta u mjesecu jer se javila potreba za tim?

Npr. stanovnici opet Moluha su mi rekli da nisu još...Sad ne znam da li je to provjerena informacija. Nisu nikada imali u blizini taj kontejner za odlaganje kabastog otpada. Ono sa čime se na žalost suočavamo jeste da ljudi tokom mjeseca kad nema tih kontejnera odlažu ipak kabasti otpad pored ovih kontejnera koji svakako postoje u samim naseljima, a pri tom, obzirom da nemamo je li nikakvih nadzornih kamera ili nešto slično ne možemo, a ni komunalne policije, ne možemo i to sankcionisati, tako da me možda hajd da tako kažem interesuje i mogućnost konačnog uvođenja te opcije komunalne policije u našem gradu.

Sad pretpostavljam da gospođa iz Službe ne može dati odgovor na pitanja, ali eto ako ništa može mišljenje o tome.

Zanima me da li postoji mogućnost da u skoroj budućnosti Tuzla, obzirom da je poprilično nako zatrpana je li otpadom, da li ćemo početi izvoziti otpad u susjedne, susjedne gradove i opštine?

I na taj način vjerovatno će doći onda do povećanja cijena i mislim da bi spalionice smeća definitivno u našem gradu kao jedan oblik i zagrijavanja mogle poslužiti kao jedna opcija npr. evo konkretno u Ši Selu, mislim da bi bilo pogodno da se to na neki način napravi pogotovo zato što se ljudi svakako ne mogu priključiti na sistem centralnog grijanja. Bar ne svi.

Zatim, kada su...Što sam primjetila kao ajde da tako kažem poteškoću ovi kontejneri za odvajanje smeća. Primjetila sam da, ne znam, na žalost ljudi se ili ne snalaze, dovoljno nisu obavješteni ili ne znaju gdje se nalazi najbliže i ti kontejneri za odvajanje smeća. Prvo me zanima kako se pokazala praksa da li se zaista odvaja smeće jer npr. u mom naselju vidim da se to na žalost ne dešava, da se ne znam u kontejner za plastiku baca i staklo ili tako nešto.

Da li postoji mogućnost da nadležna Služba pošalje na neki način možda određenu kako bih rekla brošuru ili nešto tako da se podijeli građanima Tuzle na koji način mogu da i trebaju da odlažu smeće, tj. da odvajaju smeće?

Mislim da ti kontejneri za odvajanje smeća definitivno su praksa koju mi kao ljudi moramo početi i primjenjivati i to nije po meni toliko uopšte do gradskih vlasti koliko je nekako do nas samih pojedinačno kao, kao ljudi, odnosno građana koji žive u ovome gradu pa i u ovoj državi.

Tako da ovaj eto voljela bih dobiti odgovor otprilike na ova neka pitanja, na, mogu reći slobodno i mišljenja, da vidimo kakve su mogućnosti kada je u pitanju ta komunalna policija. Je li stvarno finansije jesu li zaista poteškoća u našem gradu, jer ne znam zaposlit tri-četiri kako da kažem komunalna policajca ne vjerujem da predstavlja toliki problem, a mislim da bi na neki način ipak to imalo nekog smisla.

Tako da eto to je ono što sam htjela da postavim, pa eto hvala.

NATAŠA PERIĆ

U redu. Hvala Selma. Sljedeći za riječ se javio vijećnik Omer Berbić. Neka se pripremi vijećnik Elvir Bijedić. Ispred klubova.

OMER BERBIĆ

Hvala ljepo. Pa evo ja mislim da je činjenica da grad Tuzla nije čist grad, nije čist grad. Evo hodajte od, od jednog kraja do drugog kraja, gdje god se okrenete nešto masno, prljavo, bačen veliki broj otpadaka, ružno za vidjeti ali i ne može realno uzet...Kada uzmemo u obzir ne može biti ni čišći ako ljudi koji na terenu rade imaju platu 500 maraka i faktički činjenica je da ne žele da rade al nije to tema ovog izvještaja, al i jeste faktički tema jer govorimo o Akcionom planu upravljanja otpadom za grad Tuzla, jer Akcioni plan par stvari definiše. Ima više stvari koje su pozitivne nego negativne. To moram pohvaliti. Moram pohvaliti, evo juče sam i uzeo da malo guglam ove narandžaste vikende i narandžaste sedmice. Moram vam priznat da ja nisam lično bio upoznat da to postoji, ali ovo iz gugljanja stvarno svaki mjesec se objavi da su ti narandžasti vikendi, narandžaste sedmice i da se tu ovaj tu nešto dešava.

Ono što mene ovdje više zanima jeste isto par pitanja kao što je Selma napomenula, a to jeste prvo pitanje:

Da li imamo mi bilo kakvu mapu tih divljih deponija o kojima se priča? Jer se ovdje i spominje da divlje deponije da se očiste pa da opet budu uprljane. Faktički opet postanu deponija. Da li mi imamo bilo kakav sistem kontrole?

Zbog čega ako jednom očistimo deponiju ne stavimo tu kameru od sto maraka i da imamo crno na bijelo ko tu dovozi smeće i da objavimo to i na stranici Grada i da toj osobi pošaljemo krivičnu prijavu, prekršajni nalog u saradnji sa policijom ili na neki drugi način, u saradnji sa inspekcijama. Kamera jedna je 100-150 maraka. Na stub je postavimo, ne mora biti ona direktno povezana internetom, da imamo lajt pregled, ali znamo kad neko donese tu otpad ko je donjeo i zbog čega je donjeo i možda na te divlje, divlje deponije nije loše postaviti neke od ovih kanti o kojim mi sada pričamo. Možda je i to jedan od uzroka zato što kontejneri možda nisu dobro raspoređeni. Treba malo to na taj način sagledati i evo probat da se rješava problem za problemom.

Ovdje isto kaže da faktički 50% građana Tuzle ima mogućnost za provođenje primarne selekcije otpada. Prema ovim informacijama evo koje ovdje imamo, a to je 59 tipskih objekata, po dva kontejnera i 45 žutih kontejnera. To su oni mali pretpostavljam. 79 zelenih, te stakleni otpad kompost itd. Ne znam ni ja tačno. Ali ovdje ispadne znači, da se po kontejneru faktički 2000 ljudi u Tuzli mora služiti da bi i radio primarnu selekciju otpada. Ako uzmete činjenicu da svaki čovjek na dnevnoj bazi sigurno kilu i po otpada pravi vi vidite da ovo nije realna činjenica da se 50% građana Tuzle ima mogućnost za primarnu selekciju. Nema 50% građana i oni koji imaju to vrlo vjerovatno na neki privilegovan način su došli do mogućnosti da imaju. Osim ovih velikih naselja. Tu sada govorim o postavljanju ovih kanti.

Zanima me koji su kriteriji da se da kanta u jedno naselje a ne u neko drugo naselje? To je jedna jako zanimljiva činjenica jer sam dobio neku informaciju da se to ide preko vijećnika pa kako vijećnik koji zamoli, neću da ulazim u to, ali mislim da to nije realan kriterij. Mislim

da bi se to trebalo...Evo vidite ovdje da su apsolutno Ši Selo, Kula, Brdo, ne znam ni ja, vamo Borić, Trnovac, da ne idem dalje, Bećarevac, Batva itd. da je zapostavljen u odnosu na neke druge mjesne zajednice. I pazite. Kada uzmete to u obzir vidite da, da je to činjenično stanje, da je to defakto tako na terenu.

I ove slike koje imamo. Većina je, dobar dio ovih kontejnera itd., kanti je dosta ruinirano, dosta uništeno. Evo moj apel jedan je da ako očistimo faktički divlju deponiju i ako postavimo nove kontejnere dajte da stavimo kamere da malo počnemo razmišljati na način da sačuvamo ono što mi napravimo, što mi postavimo. Eto to je ono što sam ja ovdje želio da kažem.

Želim da pohvalim naravno i Centar za ekologiju i Grad Tuzla koji radi ovo u saradnji sa Centrom za ekologiju. Također vidio sam onaj jedan kamion koji košta...za, kao podizač kabastog otpada gdje su se na mali onaj kamion marke ja mislim Kia ili nešto stavi onaj veliki, ona velika ruka i kad god nešto podiže malte ne kamion umalo da se okrene i tu me zanimaju neki kriteriji kako i ko je uzimao, uzimao te, te, te kamione za kabasti otpad, odnosno podizače kaba, kabastog otpada?

Ali sve u svemu jesam bio malo kritičniji u svom izlaganju, al moram pohvaliti. Većina ovog izvještaja je dobra, ali ovo su stvari koje mene zanimaju, jer živim u ovom gradu, hodam okolo, vidim da je prljavo. Ljudi mi se žale. Zovu me. Zašto moj komšija može imati, a mi ne možemo imati tu kantu? Koji je tu kriterij? Šta se tu dešava? Baš me neki dan jedna žena zvala i pitala. Ja sam rekao da zaista ne znam. Da postoji neka procedura ja bi rekao i evo ako ima neka procedura kako da ljudi dođu do kanti za razdvajanje otpada? Volio bi da mi se kaže. I volio bi da mi se takođe kaže da li kada ljudi razdvoje otpad da li ono zaista ide u neko razdvajanje il sve to na kraju završi na istoj kamari gore na Desetinama? I ništa se od toga, ništa se od toga ne radi, jer svi znamo evo da su Desetine pred ja mislim zatvaranjem s obzirom da je...i nema tu okolinske dozvole za proširivanje i mislim da će se jako teško doći do nekog, do nekog rješenja za tu gore deponiju. Evo toliko od mene. Fala ljepo.

NATAŠA PERIĆ

Hvala. Sljedeći ispred Kluba SDP-a se javio vijećnik Elvir Bijedić. Izvolite.

ELVIR BIJEDIĆ

Zahvaljujem predsjedavajuća. Pa Klub SDP-a. Klub vijećnica i vijećnika SDP-a je razmatrao dakle, ovaj IZVJEŠTAJ O REALIZACIJI AKCIONOG PLANA IZ PLANA UPRAVLJANJA OTPADOM ZA GRAD TUZLA U PERIODU OD 2017. DO DVADESET I DRUGE GODINE i dakle, uz ona saznanja o kojima već pričamo i kroz izvještaje Komunalca dakle, mi u Klubu vijećnica i vijećnika SDP-a smo zadovoljni načinu na koji se tretira otpad u gradu Tuzli. Dakle, redovnim održavanjem i čišćenjem kontejnera, odvođenjem na deponiju i evo kao što smo iz prethodnih diskusija mogli da čujemo i odvođenjem kabastog, kabastog otpada.

Ono na čemu bih ja htio da se zadržim dakle, tj. strateški cilj četiri dakle, u ovom izvještaju dakle, jačanje javne svijesti stanovništva i privrednika iz oblasti upravljanja otpadom u smislu da tako kažem kvalitetnije edukacije. Imali smo mi ovdje aktivnosti i to je vidljivo iz izvještaja. Međutim, mišljenja smo da bi zaista ta edukacija i to podizanje svijesti nikad nije dovoljno da se potencira. Dakle, kako kroz različite privredne subjekte tako i kroz nastavno-odgojne planove, kroz predškolski odgoj, školsko i srednje usmjereno obrazovanje itd. Dakle, definitivno evo imali smo situaciju educirani su uposlenici u Komunalnom preduzeću. 48 je edukacija bilo za građanstvo po mjesnim zajednicama ali to je svega 877 građana je prošlo kroz tu edukaciju. Na 5 prosvjetno-pedagoških ustanova kroz 12 radionica negdje oko hiljadu

učenika, profesora, nastavnika i ostalog osoblja. Imali smo i medijskih kampanja dakle, sve je to jako dobro. Međutim, ako, ako može da formiramo samo jedan zaključak u smislu dakle, da nastavimo na tom tragu intenzivnije edukacije stanovništva dakle, za primarnu selekciju otpad u domaćinstvima i za odlaganje takvog otpada po tipskim ovim kontejnerima kako je to već i prezentirano kroz, kroz izvještaj.

Također zaključak dakle, da intenzivnije uključimo i RTV 7 kao javni servis grada Tuzle u smislu kontinuirane edukacije stanovništva. Gledao sam na, na web sajtu komunalca dakle, tamo stoji čini mi se da je, kad je u pitanju odvoz kabastog...Ali nisam siguran pa me ispravite da li postoji i na web stranici da tako kažem ako ništa bar forma, edukacijska forma primarne selekcije otpada, ako ne evo možemo to staviti u zaključak dakle, na web stranici da se, komunalca, da se napravi jedna forma koja će pomoći stanovništvu kod primarne selekcije otpada u domaćinstvima. Imali smo situaciju dakle, u čini mi se dvadesetoj godini, u, u izvještaju se pominje dakle, da je bila, uz račune su dobijao isto tako stanovništvo je dobijalo letak kod, za, za odvođenje kabastog otpada, ali ne bi bilo loše dakle, da se ponovo to abdejtuje kako za, za kabasti otpad tako isto i za primarnu selekciju otpada. Dakle, smatramo da edukacija stanovništva pogotovo mlađih kroz nastavno-odgojne programe mislim da bi, da bi dala značajan kvalitet u pravcu još kvalitetnijeg djelovanja i upravljanja kabastim otpadom.

Dakle, što se tiče samog izvještaja smatramo ga izuzetno korektnim i mislimo dakle, samo da u ovom pravcu možemo još malo intenzivnije djelovati. Evo pa možemo kasnije možda još malo zaključke ukoliko Slađana nisam bio dovoljno jasan. (NATAŠA PERIĆ – Drugi put kao vijećnici.) Okej. Hvala vam ljepo.

NATAŠA PERIĆ

Da li se još neko javlja?

Dobro. Idemo drugi krug. Vijećnica Selma Čatibušić. Izvolite.

SELMA ČATIBUŠIĆ

Ja ću veoma kratko samo da dva zaključka koja nisam u prvom javljanju rekla, a složila bi se, obzirom da je kolega Bijedić već na neki način predložio taj zaključak eventualno možda ako se slaže kao dopuna zaključka u tom smislu da konkretno grad Tuzla...Sad ću na neki način pošto sam sad skontala zaključak u principu. Da Grad Tuzla bude na neki način ispomoć zajedno sa Komisijom za prostorno uređenje i zaštitu okoline i udruženjima koji se bave zaštitom okoline pri Gradu Tuzli da na neki način održe edukaciju, osmisle najbolji način suradnje i održe edukaciju svih 40 mjesnih zajednica tokom ove godine. Mislim da udruženje konkretno i čist zrak su spremni, već rade na tim stvarima a konkretno eto komisija koja se sastaje jednom mjesečno možda bi i mogla iskoristiti priliku na, na takav način da pomogne građanima. Kroz program aktivnog starenja također koji se dešava u našim mjesnim zajednicama mogle bi se održati i radionice, a eto i konkretno hajde da kažem za sebe starije dobi, ali na neki način da se osmisli saradnja između Komisije za prostorno uređenje i zaštitu okoliša i Udruženja u gradu Tuzla koje se bave zaštitom okoline da bi se uspostavile tj. održale radionice na upravo ovu temu pogotovo kada je u pitanju odlaganje, tj. selekcija otpada.

Drugi zaključak koji bi predložila bio bi da obzirom da znamo kakvi su nam trenutno ovi stari kontejneri limeni, željezni, kakvog su izgleda da, predlažem zaključak koji glasi:

Grad Tuzla će u narednom periodu izdvojiti određena sredstva za izmjenu svih starih kontejnera u našem gradu i kupovinu novih koji će biti svakako ljepši i prihvatljiviji u našem gradu jer ovi sad kakvi su stvarno nisu ugodni za oko, mada razumijem da neke mjesne zajednice nemaju ni njih, ali et ići ćemo valjda naprijed. Hvala.

NATAŠA PERIĆ

Zaključujem raspravu klubova vijećnika.

Otvaram raspravu vijećnika. Za riječ se javio prvi vijećnik Alen Kapidžić. Neka se pripremi vijećnik Senad Mehmedinović. Izvolite.

ALEN KAPIDŽIĆ

Hvala predsjedavajuća. Pa ništa ovo je sigurno projekat koji i evo iz ovog izvještaja se vidi da stvarno je urađeno puno posla i treba ga pohvaliti naravno, ali ono što mene brine a iz prethodnih diskusija je rečeno. Čini mi se da su Selma i Omer spomenuli to deponovanje i evo Omer je spomenuo jel Desetine su pred zatvaranjem. I ja sam dobio tu informaciju. Šta se dešava ako počnemo izvoziti otpad? Ja mislim da će to uveliko...i zahtjeva veća finansijska sredstva, a to će u konačnici značiti da će građani vjerovatno plaćati veću cijenu odvoza smeća. Ja bi zamolio, pošto je šefica Komunalne službe već rekla da će na nekoj od narednih sjednica biti novi petogodišnji plan, da se ovaj, ovo pitanje posebno razmotri u tom novom planu.

Kako vidimo iz ovog izvještaja je li nabavljena je ovdje i određena komunalna infrastruktura koja je potrebna za upravljanje komunalnim otpadom. To su ti autopodizači, grajfer za podizanje i utovar kabastog otpada, šreder za usitnjavanje kabastog otpada itd.

S tim u vezi ja imam dva pitanja na koja evo ako Mirela nema odgovor ne mora odgovoriti, ali želio bi da mi neko odgovori je li.

Mene interesuje šta se dešava sa ovog materijala kad se usitni ovaj kabasti namještaj, šta se dalje s tim, s tim dešava s tom piljevinom? Evo nazovite je kako hoćete.

A u posljednje vrijeme zadnjih četiri-pet dana dobijam informaciju od naših sugrađana sa terena da redovnost odvoza smeća generalno nije baš na zadovoljavajućem nivou. E sad me interesuje koji su razlozi što se to dešava?

A opet sad govorim da sam dobio informaciju sa terena da kamioni koje preduzeće koristi za odvoz smeća ni-su baš svi u funkciji. Interesuje me da se ovo odgovori. A prvenstveno znači ovo prvo što sam rekao za deponovanje to bih volio da uđe u zaključak za sljedeći ovaj, ovaj petogodišnji plan, a ova, ovo su moja dva pitanja na koja evo želim da odgovorim, ako ne može Mirela odgovoriti nek direktor odgovori pismeno. Hvala.

NATAŠA PERIĆ

U redu. Hvala Alene. Sljedeći za riječ se javio Senad Mehmedinović. Neka se pripremi vijećnica Esana Kavazbašić Huskanović.

SENAD MEHMEDINOVIĆ

Poštovana predsjedavajuća, zamjenici predsjedavajuće, kolege vijećnici, predstavnici službe, mediji, sve vas srdačno pozdravljam. Jedan sam od onih vijećnika koji voli da razgovara o bilo kakvim izvještajima zato što su izvještaji indikatori poslovanja da li to bilo pozitivno da li to bilo negativno i iskreno se nadam da ćemo do kraja saziva ovog Vijeća imati izvještaj i o radu mjesnih zajednica na području grada Tuzle.

Naravno kada se čita bilo kakva knjiga svako je drugačije doživi i ja sam ovo doživio na način da ću pričati epideiktički, to znači afirmativno. Pohvalit ću prije svega „Komunalac“ do.o. Tuzla zato sa niskim platama koje imaju ipak čine onoliko koliko je moguće da naš grad bude čist, naravno Centar za ekologiju i energiju i Gradsku upravu jer mi je drago kad vidim da postoji saradnja nevladinih organizacija sa ovim slučajem Gradskom upravom. Oko 5000 domaćinstava koji žive u individualnim stambenim objektima dobilo je žute i sive kante za

ambalažni miješani otpad. Možda se zaboravilo, ali evo da podsjetim da dolazim iz Mjesne zajednice Kiseljak i vidio sam dole da mještani imaju ove kante i ono što mi je drago što se dalo primjetiti da se vrši selekcija ovog otpada. Dakle, da one edukacije koje su bile upriličene evo u Mjesnoj zajednici Kiseljak mislim da je to urodilo plodom i naravno da je to za svaku pohvalu i sad ne znam da li je to u svim mjesnim zajednicama nisam čitao a ako nije treba biti. Bez obzira da li mi od zgrade Grafičara do Brčanske Malte imali na svaka tri metra jednu kantu mislim da uvijek nedostaje tih edukacija a koje su prije kolege govorile na način da moramo da budemo osvješteni po pitanju ne bacanja otpada van tih kanti.

Takođe drago mi je što Služba za prostorno uređenje i zaštitu okoline Tuzla traži da se obezbijedi neophodno oprema za upravljanje komunalnim otpadom i bilo je 1889 građana i učenika iz Tuzle na radionicama. Generalno kada se u Tuzli i bilo gdje u Bosni i Hercegovini organizuje nekakva edukacija, evo ko je učestvovao o tom dobro to ide, da se mora zvati po tristo puta da bi se neko odazvao nekom pozivu. Mislim da generalno mi nismo osvješteni kada pročitamo da postoji određena edukacija da dođemo. Dođemo samo na način da uvijek moramo da povedemo par prijatelja i evo to me podsjeća na nešto drugo što se nazivaju izbori.

Ja bi predložio jedan zaključak a koji se tiče ovog otpada i mislim da ću se naslonit na ove prije zaključke, a to je npr. prijedloge, pa evo da razmislimo svi zajedno. Prijedlog zaključka da ide Pedagoškom zavodu npr. i da Pedagoški zavod evo u saradnji da li sa Gradskom upravom. Možemo to izdefinisat. Da se organizuje edukacije dakle, učenika osnovnih i srednjih škola o selekciji otpada i sistemu upravljanja kabastog otpada zato što na području grada Tuzle koji je centar Tuzlanskog kantona toliki broj učenika osnovnih škola, imamo toliki broj učenika srednjih škola pa da se evo na neki način osvjestimo da se ne baca otpad pored kanti i mislim da bi to bila jedna lijepa edukacija naravno pored onih edukacija koje bi mogle da budu u, pri mjesnim zajednicama. Hvala.

NATAŠA PERIĆ

U redu hvala. Sljedeća za riječ se javila vijećnica Esana Huskanović Kavazbašić. Neka se pripremi vijećnica Sabiha Mujkanović Mujačić. Izvolite.

ESANA KAVAZBAŠIĆ HUSKANOVIĆ – vijećnik Platforme za progres

Dobar dan poštovane kolege. Ja sam imala već do sad nekoliko inicijativa u vezi tih malih kanti to trebaju biti postavljene po gradu jer smatram da je jako malo tih kanti i da jednostavno ljudi su primorani dok dođe do jedne kante do druge kante dok šetate da jednostavno nemate baš puno izbora. Ja često trčim svako jutro ovaj Sjenjak, Stupine i taj dio grada i jednostavno sam primjetila da tih kanti nema. Ši Selo...Naselja znači koja nisu orjentisana prema centru grada takođe nemaju ulične kante za smeće. Možda se to čini glupost al vjerujte mi za čistoću grada kolko znači greška do komunalaca. Komunalac može pokušavat očistiti grad kolko god želi ali ako se mi ne budemo držali toga da ne bacamo smeće na ulicu, ako ne budemo učili svoju djecu da se smeće ne baca na ulicu, da papirić koji imaš u ruci kad pojedeš neki slatkiš, kad pojdeš čokoladu taj se papirć savije i stavi se u džep ne baca se na ulicu. Nema veze što nema kante. Ali to je nešto što mi nismo usadili u svjest svoje djece. Jednostavno djeca to ne znaju uradit. Djeca su postala jednostavno nezainteresovana za važnost ekologije, za važnost recikliranja i svega toga. Tako da sam ja uputila svakako kao jednu vijećničku inicijativu. Npr. moglo bi se krenut od edukacije u obdaništima, u javnim ustanovama, u privatnim ustanovama znači, gdje bismo mogli djeci postaviti npr. trobojne kante gdje će jedna kantica u jednoj boji biti za papir, druga za metal, treća za miješani otpad il za plastiku i gdje bi se djeca znači, od perioda druge-treće godine učili da smeće ide u smeće i da to smeće se treba reciklirat. To je budućnost Bosne i Hercegovine. Čitava Evropa, čitav Zapad

funkcioniše na tom recikliranju smeća. I oni, moglo bi se napraviti ugovor sa firmama koje odvoze to smeće, taj reciklirani materijal, da se dio sredstava uplati na onaj račun obdaništa pa da ta djeca budu nagrađena od tih sredstava znači, odlaskom u kino, odlaskom na izlet ali i gdje bi ona znala da, da su dobili nagradu za taj svoj proces. Ista stvar se znači može uraditi u osnovnim školama. Mogu se napraviti velike kante gdje djeca mogu raditi tu reciklažu, da se skupe ta sredstva i da ta djeca budu nagrađena nekom ekskurzijom i da im se kaže e vi ste ovo zaradili zato što ste bili dobri. Na taj način bi znači, od ranih nogu krenuli da učimo djecu o važnosti recikliranja, o važnosti gdje smeće pripada i na koji način se ponašati u gradu.

Ja znam, ja živim sad u naselju Stupine. Iza moje zgrade znači, dođe komunalac svaka, otprilike jednom sedmično. Pomete svo dvorište. Ne mogu reći ništa tom čovjeku što radi tu. On to očisti stvarno sve. Opuške, sve papiriće. To bude čisto ko suza. Posle sedam dana to je strašno kako izgleda, a najviše se tu igraju djeca. Znači, djeca u-op-šte nisu osvještana o važnosti, o ekologiji, o važnosti bacanja znači onih svojih papirića u smeće. Mislim to je jedna banalna stvar. Ja ne mogu vjerovati da mi pričamo o tome, ali zaista je tako. Znači, u tu edukaciju se mora krenuti od obdaništa, od perioda od treće godine kad su oni svjesni, pa kroz školski sistem da bi oni bili...Ja ne znam zašto su u školama ukinuli...Mi smo prije...Ja dok sam bila u osnovnoj školi mi smo imali obavezu jednom sedmično očistiti školsko dvorište. Uzmeš metlu, uzmeš kanticu, očistiš ljepo, pokupiš sve papire i onda sledeći put razmišljaš e pa neću baciti taj papir u dvorištu bacit ću ga u smeće. Zašto je to ukinuto? Zašto to ne bismo vratili u škole u obdaništima gdje bi djeca svatila kolika je važnost toga? Toliko od mene. Hvala.

NATAŠA PERIĆ

U redu. Hvala vam Esana. Sljedeća za riječ se javila vijećnica Sabiha Mujkanović Mujačić. Neka se pripremi vijećnik Ibeljić.

SABIHA MUJKANović MUJAČIĆ – samostalni vijećnik

Da pozdravim sve prisutne s obzirom da se prvi put javljam za riječ. Ja u biti imam samo jedno pitanje jer sam već ranije govorila o primarnoj selekciji otpada i davala neke zaključke za mjesne zajednice za koje smatram isto tako da im se treba obezbjediti kante za primarnu selekciju otpada.

Znači, moje pitanje prema cijenjenoj gospođi Uljić je samo da nam kaže da...S obzirom da ova informacija stvarno o deponiji Desetine kruži nekako, o njezinom zatvaranju i sve, znate li išta o, o statusu deponije? Čisto da ne govorimo onda o stvarima ako nismo sigurni, a ukoliko nemate nikakvih informacija upućujemo vijećničko pitanje. Eto.

NATAŠA PERIĆ

U redu. Hvala Sabiha. Vijećnik Anel Ibeljić. Neka se pripremi vijećnik Hirkić.

ANEL IBELJIĆ – vijećnik Socijaldemokratske partije

Hvala predsjedavajuća. Poštovane kolege i kolegice sve vas srdačno pozdravljam. Ja samo želim nekoliko rečenica da kažem u ovoj, ovom izvještaju. Prije svega želim da pohvalim šeficu Službe za komunalne poslove gospođu Mirelu Uljić koja je stvarno pripremila jedan iscrpan i sistematičan Izvještaj o realizaciji akcionog plana iz plana upravljanja otpadom za grad Tuzla 2017. dvadesetdruga godina. Takođe ovu priliku koristim da pohvalim menadžment Komunalca i naravno sve zaposlenike Komunalca koji su stvarno bez prijekorno svaki dan odrađuju svoj posao i kao rezultat toga imamo po meni prilično, prilično čist grad.

Vidimo iz ovog izvještaja da je odrađen poprilično veliki broj aktivnosti koje su uticale na poboljšanje kvalitete upravljanja otpadom, a posljedično tome i na poboljšanje kvaliteta naših života. Tu je otprilike nekih 9 velikih aktivnosti a po meni najvažnija, za mene kao vijećnika i građana jeste u stvari ovaj sistem primarne selekcije otpada na kojem se evo prilično aktivno radi unazad nekoliko godina i evo kolegica Esana dotakla se tog recikliranja smeća. Moram istaći da, da sam prilično upoznat sa, sa obimom posla koje radi naše Komunalno preduzeće. Već nekoliko godina se vrši recikliranje otpada. Otpad se sortira, jer imamo sortirnicu na deponiji koja prikuplja tone i tone smeća koja se, koje se znači kasnije prodaju različitim firmama i prilično to dobro funkcioniše. Naravno kao i sve uvijek to može bolje i znam da menadžment aktivno radi na poboljšanju svega toga.

Kolega Omer Berbić i kolega Alen Kapidžić su istakli da imaju neke evo nezvanične informacije da je deponija Desetine prilično popunjena, da je i pred zatvaranjem. Iskreno moram reći evo da nisam upoznat sa time. Međutim, evo ukoliko se ispostavi da je tako ja sam upravo na današnjoj sjednici uputio jednu inicijativu da se provede studijsko istraživanje društveno-ekonomske opravdanosti izgradnje spalionice smeća odnosno otpada. To je sistem koji već unazad 50 i više godina jako dobro funkcioniše po cijeloj Evropi, prije svega u nordijskim zemljama, ali isto tako i u susjedstvu i znači danas se taj otpad, odnosno smeće prije svega smatra resursom, te brojne zemlje u-voze u stvari smeće kako bi ga spalili a nakon toga od tog spaljivanja tu energiju koriste za zagrijavanje domova ali i za proizvodnju električne energije. Primjer takve spalionice imamo evo blizu, tu nam je u Beču, koja funkcioniše preko pedesetak godina i mislim da evo ukoliko se provede ovo studijsko istraživanje po-stoji možda neka vjerovatnoća evo da možda i, i grad Tuzla krene u nekom tom pravcu, jer bi postali pa mislim prvi, prvi sigurno u Bosni i Hercegovina kada je riječ o jednom ovakom preduzeću.

Takođe evo predložiti ću jedan zaključak pošto nisam uputio tu inicijativu: Da se zaduži nadležna Služba da provede studijsko istraživanje društveno-ekonomske opravdanosti izgradnje postrojenja za proizvodnju RDF goriva iz otpada. To je takođe jedan od modaliteta na koji se može uticati na smanjenje količine otpada koji dolazi na deponije. Taj sistem prilično dobro ja mislim funkcioniše. Evo kada je riječ o cementari znam da cementara proizvodi tu vrstu fosilnog, fosilnog goriva. Možda ne bi bilo loše evo da u narednom periodu razmislimo i o tom nekom modalitetu, al svakako po mom mišljenju spalionica tu treba da bude broj jedan. Eto. Hvala.

NATAŠA PERIĆ

U redu. Hvala Anele. Sljedeći za riječ se javio vijećnik Hirkić. Neka se pripremi vijećnik Alić.

HASIB HIRKIĆ

Zahvaljujem predsjedavajuća. Evo već rasprava i mišljenja su iznešena. Mislim da je već puno rečeno a puno i urađeno i treba nastaviti, ali mislim malo mi smeta kad se kaže da treba raditi radionice i edukacije. Pa nije naš narod baš toliko nepismen u dvajsprvom vijeku. Mislim da ovdje treba u svim mjesnim zajednicama postaviti potrebne kontejnere za selekciju otpada pa tek onda da bismo mogli govoriti o nekim edukacijama i radionicama. Sve do tad mislim da onaj trebamo poduzeti prve korake pa tek onda da možemo kritikovati i reći.

Mislim da dosadašnji rezultati su pokazali evo nekakav napredak i treba pohvaliti Službu, a normalno i direktora i kompletno preduzeće Komunalac. Sa dosadašnjim radom su pokazali znači da ima napretka i da imaju, ima iskoraka. Ako se ovako nastavi i sa ovakvim nekakvim evo našim prijedlozima da se sve mjesne zajednice obidu i da im, da se postave

potrebni kontejneri kako bi se selekcija otpada mogla vršiti onda bismo mogli tek pričati o građanima da li su pismeni, nepismeni, odgovorni itd. Hvala.

NATAŠA PERIĆ

U redu hvala. Vijećnik Mensur Alić. Izvolite.

MENSUR ALIĆ – vijećnik Tuzlanske alternative

Zahvaljujem predsjedavajuća. Pozdravljam sve prisutne. Ja ću samo, neću diskutovati puno o tački dnevnog reda ova. Ja ću samo predložiti dva zaključka pošto vidim da mnogi nisu upoznati, a puno toga je rečeno i dobrog za ovaj izvještaj. Evo treći put predlažem i treći put ide, da ide inicijativa prema Federalnom parlamentu da usvoji novi zakon, a to da uspostavi komunalnu policiju, jer nadležnost za kom...Mi nemamo...Neko je govorio o komunalnoj policiji. Komunalna policija ne postoji u Federaciji Bosne i Hercegovine i ona se uređuje posebnim zakonom kao što je to uređeno u Republici Srpskoj kada...Da pokušamo evo treći put. Ovo je moja inicijativa da, da pokušao natjerati ovaj parlament Federacije da donese takav zakon. Time ćemo riješiti mno-go ovih problema o čemu su mnogi govorili da treba postaviti kamere. Naravno da treba ovaj vidjet gdje se ponavlja ponovo smećište i to je sve opravdano, ali ako mi dobijemo komunalnu policiju koja će imat nadležnosti svo-je kao što ima u Republici Srpskoj, a to je strogo kažnjavanje i to novčano. Znači, ne-ma ovaj možemo edukacija praviti mi koliko hoćemo, možemo raditi sve moguće. Bit će pomaka, ali nećemo dostići za dvadeset-trideset godina ono što će dospjeti komunalna policija svojim kažnjavanjem finansijskim. To je, to je jedini način, jer tako se radi u zapadnim zemljama. Kad baciš papirić platiš 100 eura-200 eura kaznu pa onda nećeš drugi put ga baciti. Postoji li...Sad momentalno imamo u Službi našoj imamo komunalne redare, a od tih komunalnih redara mislim tri-četiri da imaju, da su u radnom odnosu, dvojica su na bolovanju, moguće jedno da radi i ta, mislim da nikad nisu ni nekog kaznili zbog, što je napravio neko od građana zapalio, napravio požar i da ne pričam dalje o tome. Znači nama jedi...Ali možemo u međuvremenu dok se taj zakon ne donese i ja ću svako Vijeće podnositi ovu inicijativu. Svaki put ću podnositi inicijativu dok ne dođe do tog zakona. Mi možemo momentalno primiti više komunalnih redara i opremiti ih sa jednom normalnim odjelima sa svemu, sad da imaju oznaku na sebi da nose kao što to...Evo on bi dio bili dopune dok se ne dođe do ovog zakona, da budu obučeni kako trebaju i da imaju nadležnost da mogu kažnjavati, da mogu prijaviti. Mi do sad nemamo ni jednu prijavu od tih redara da je nekog prijavio da neko plati kaznu. Kad to počnemo raditi onda je sasvim normalno da će biti drugačije, ali ovo bi samo prelazni period bio. Znači, fina odjela, akreditacije da mu piše šta je i onda neka radi svoj posao. I naravno treba imati više po...Ići na, na istraživanja, ne istraživanja nego nazvati neku opštinu u, u Republici Srpskoj koja ima policiju. Koliko je to na broj stanovnika potrebno da ima komunalnih redara, a da dotle prevaziđemo postojeće stanje. Evo toliko od mene. Zahvaljujem.

NATAŠA PERIĆ

U redu hvala. Replika. Merima Softić Sprečić.

MERIMA SOFTIĆ SPREČIĆ

Kratko ovaj pozitivna rekla bih. Da se nadovežem samo kratko. Ne znam...Možda na početku ovog mandata mi smo imali par nekih i usmenih dogovora vezano za formiranje komunalne policije, al naravno i par i, i pismenih dopisa mislim čak tri ispred i ispred Kluba ali

vjerujte da nikad nismo dobili ovaj pisani odgovor, a tražili smo. Ovo što ste vi sada spomenuli da bi napravili dalje korake mi kao Gradsko vijeće tačno smo dobili upute na koji način da formiramo ovaku jednu inicijativu i znam da je glasila: Koje su zakonske prepreke koje nam onemogućavaju formiranje komunalne policije na lokalnom nivou. Uputili smo to prema Službi, komunalnoj službi. Nikada nismo dobili odgovor i drago mi je što ste sada ovaj spomenuli u svom izlaganju formiranje komunalne policije i predložili zaključak za koji idemo, jer smatram da je to ispravno, al prije toga trebamo dobit odgovor koje su to zakonske prepreke kako bi mi svi zajedno evo odavde krenuli i riješili taj problem. Hvala.

NATAŠA PERIĆ

U redu hvala.

Zaključujem raspravu vijećnika.

Pauza 10 minuta. Molim većinu da sjednemo malo. (Pauza.)

Nastavljamo sa radom.

Ako može samo malo pažnje imam jedan prijedlog pa ako ćete se složiti samnom? Molim vas obzirom da kroz zaključke koje ste dali u toku diskusija je, ste kako bi rekla i doprinjeli davanju odgovora koje su upućeni Službi da li se slažete da samo glas...Da gospođa ne daje sad odgovore na pitanja jer su oni svi evo u ovim zaključcima zastupljeni i bit će realizovani, pa da sad samo glasamo o zaključcima u paketu. Da li ste za? Može. U redu.

Pročitajte onda Slađana sve zaključke i...U stvari prvo glasamo o izvještaju. (SLAĐANA KRAJINA – Prvo izvještaj. Izvještaje.)

Znači, stavljam na izjašnjavanje IZVJEŠTAJ O REALIZACIJI AKCIONOG PLANA IZ PLANA UPRAVLJANJA OTPADOM ZA GRAD TUZLA 2017-2022. Molim vijećnike da se izjasne. Glasanje je okončano.

Konstatujem da je IZVJEŠTAJ O REALIZACIJI AKCIONOG PLANA IZ PLANA UPRAVLJANJA OTPADOM ZA GRAD TUZLA 2017-2022 usvojen sa,

25 glasova za, nije bilo protiv i nije bilo suzdržanih.

Sada molim sekretara Stručne službe da pročita zaključke u paketu i da glasamo.

SLAĐANA KRAJINA – sekretar Gradskog vijeća Tuzla

1. Gradsko vijeće Tuzla sugerše da se razmotri mogućnost postavljanja kamera na divljim deponijama, kako u cilju otkrivanja i sankcionisanja nesavjesnih građana koji otpad odlažu na mjesta koja nisu za to predviđena tako i u cilju preventivnog djelovanja.

2. Gradsko vijeće Tuzla sugerše da se nastavi sa intenzivnijom edukacijom stanovništva za primarnu selekciju otpada u domaćinstvima i za odlaganje otpada u tipske kontejnere.

3. Gradsko vijeće Tuzla sugerše Javnom preduzeću RTV 7 Tuzla da se, kao mediji, kao javni servis, još intenzivnije uključi u kontinuiranu edukaciju stanovništva kada je u pitanju primarna selekcija otpada u domaćinstvima i odlaganje otpada u tipske kontejnere.

4. Gradsko vijeće Tuzla sugerše Javnom komunalnom preduzeću Komunalac Tuzla da na svojoj web stranici postavi odgovarajuće brošure koje će pomoći stanovništvu kada je u pitanju primarna selekcija otpada u domaćinstvima i odlaganje otpada u tipske kontejnere.

5. Gradsko vijeće Tuzla sugerše da Gradska uprava Grada Tuzle i Komisija za prostorno uređenje i zaštitu okoline budu na raspolaganju udruženjima za zaštitu okoline, koja djeluju na području grada Tuzle, kada je u pitanju održavanje radionica i drugih oblika

edukacije stanovništva kao i da se, zajedničkom saradnjom, planiraju i održe radionice u svim mjesnim zajednicama na području grada Tuzle.

6. Gradsko vijeće Tuzla sugeriše menadžmentu Javno komunalnog preduzeća Komunalac Tuzla da se pokušaju obezbijediti finansijska sredstva za izmjenu svih dotrajalih kontejnera na području grada Tuzle i za nabavku novih.

7. Gradsko vijeće Tuzla sugeriše da se u narednom petogodišnjem akcionom planu upravljanja otpadom posebna pažnja posveti deponovanju otpada.

8. Gradsko vijeće Tuzla sugeriše Pedagoškom zavodu Tuzlanskog kantona da, u saradnji sa resornim gradskim službama i udruženjima za zaštitu okoline, organizuje edukaciju učenika osnovnih i srednjih škola o primarnoj selekciji otpada i sistemu upravljanja kabastim otpadom.

9. Gradsko vijeće Tuzla zadužuje menadžment Javno komunalnog preduzeća Komunalac Tuzla da provede istraživanje ekonomske opravdanosti izgradnje postrojenja za proizvodnju RDF-a iz otpada i/ili spalionice otpada.

10. Gradsko vijeće Tuzla upućuje urgenciju Skupštini Tuzlanskog kantona i Parlamentu Federacije Bosne i Hercegovine za realizaciju ranije upućenih inicijativa Gradskog vijeća Tuzla za izmjenu zakona u cilju otklanjanja zakonskih prepreka za uspostavljanje komunalne policije.

11. Gradsko vijeće Tuzla sugeriše da se poveća broj komunalnih redara u Službi za inspeksijske poslove i da se sagledaju zakonske mogućnosti posebnog uniformisanja komunalnih redara u cilju preventivnog djelovanja i podizanja svijesti građana o njihovom prisustvu u gradu.

NATAŠA PERIĆ

Molim vijećnike da se izjasne o pročitanim zaključcima. Glasanje je okončano.

Konstatujem da su pročitani zaključci usvojeni sa,
27 glasova za, nije bilo protiv i nije bilo suzdržanih.

SABIHA MUJKANOVIĆ MUJAČIĆ - zamjenik predsjedavajućeg Gradskog vijeća Tuzla, -samostalni vijećnik

Prelazimo na sljedeću tačku Dnevnog reda:

RAZMATRANJE IZVJEŠTAJA O RADU GRADSKOG PRAVOBRANILAŠTVA GRADA TUZLA ZA 2022. GODINU

Predlagač: gradonačelnik Grada Tuzla.

Obrađivač: Gradsko pravobranilaštvo Grada Tuzla.

Materijal su razmatrali: Komisija za statutarna pitanja i propise i klubovi vijećnika.

Da li ima potrebe za uvodnim izlaganjem? (Da.) Da. Izvolite.

NINA POPIĆ NEZIROVIĆ – gradski pravobranilac

Dobar dan. Odbrom člana 17. Odluke o osnivanju Gradskog pravobranilaštva propisana je obaveza da Gradsko pravobranilaštvo jednom godišnje podnese izvještaj Gradskom vijeću. Što se tiče ovog Izvještaja za 2022. godinu on se sastoji iz dva dijela. Iz tekstualnog i iz tabelarnog prikaza. U tabeli broj 1 možete vidjeti koliko predmeta je bilo u radu u dvadesetdruj godini, tako da je ukupan broj predmeta bilo 3212. Od toga pardon novo formiranih 536, a iz prethodnih godina je preneseno 2676 predmeta. Od toga je u ovoj, u prošloj godini pravosnažno okončano 465 dakle, u 2023. godinu preneseno je 2648 predmeta.

Ovdje bih istakla da na broj predmeta, odnosno na samu dužinu trajanja postupaka pravobranilaštvo ne može uticati, odnosno ne može direktno uticati. Mi možemo uticati samo putem urgencija koje svakodnevno šaljemo sudovima i organima uprave.

Ono što je također možda bitno naglasiti je da predmeti koji, čiji završetak zavisi direktno od rada pravobranilaštva to su mišljenja, koja pravobranilaštvo treba davati u postupcima donošenja akata ili zaključivanja ugovora kojima se uređuje neki imovinsko-pravni odnos ili raspolaže imovinom i iz tabele broj 1 je vidljivo da je to bilo u dvadesetdrugoj godini 146 mišljenja koji su zavedeni u toj godini i dati u toj godini.

Što se tiče parničnih postupaka možda je isto interesantno naglasiti. Oni su obrazloženi na strani broj 5 po prvostepenim i drugostepenim postupcima. Odvojeni su na one koje je Gradsko pravobranilaštvo, odnosno Grad Tuzla izgubio i one koje je dobio, tako da bih vam istakla da prvostepeni postupci koji su riješeni u korist Grada tu imamo 25 postupaka. Imamo tri predmeta gdje je Grad Tuzla tužen. Tu je sud u cijelosti odbio tužbeni zahtjev i uspjeli smo znači u parnicama za 51 hiljadu, dok se Grad Tuzla pojavljuje kao tužilac u 22 predmeta i ovdje smo znači, u 22 predmeta smo mi i u cjelosti uspjeli i sud je dosudio u korist Grada Tuzla 197.223 KM i samim tim smo, nam dosuđeni troškovi 29.782 konvertibilne marke.

Što se tiče prvostepenih postupaka riješenih na teret Grada, koliko god su ovi postupci oni postupci koje je Gradsko pravobranilaštvo izgubilo, mi smatramo da smo u neku ruku mi i dobili jer smo uspjeli odbraniti Budžet Grada, tako da je bilo 27 predmeta gdje je tužbeni zahtjev usmjeren protiv Grada Tuzla iznosio, ukupan, znači tužbenih zahtjeva je bilo ukupno 574.682 KM, dok su tužitelji uspjeli ukupno sa 28,81 KM. Dakle u ovim postupcima je Gradsko pravobranilaštvo uspjelo odbraniti Budžet Grada sa 71,19 KM.

Što se tiče drugostepenih postupaka i ovdje je situacija slična. 21 predmet koje su drugostepeni postupci riješili u korist Grada i tu su, ukupna vrijednost koji su druga lica pokrenula protiv Grada Tuzla to je 12 predmeta odnosno, ukupno 151.705 KM gdje su tužbeni zahtjevi odbijeni odnosno mi, Gradsko pravobranilaštvo uspjelo za navedeni iznos. U 9 predmeta Grad Tuzla kao tužilac je uspio odnosno, pokrenuo postupke i Kantonalni sud je usvojio tužbene zahtjeve i obavezao druga lica da plate troškove postupka 39.336.

Što se tiče drugostepenih postupaka riješenih na teret Grada ukupno 17 predmeta. Tu je bio ukupan iznos 246.340, ukupan utuženi iznos međutim, ovdje su, su djelimično usvojeni tužbeni zahtjevi tužitelja protiv Grada za iznos od 79.483 odnosno, možemo reći da su druga lica uspjela sa 32, a Gradsko pravobranilaštvo odnosno, Grad Tuzla da je uspio i u ovim postupcima za 68%.

Ja ne znam sad...U cijelom ovom Izvještaju možete detaljnije vidjeti sve vrste postupaka kao i tabelarnom. Ako imate neka pitanja stojim na raspolaganju.

**SABIHA MUJKANOVIĆ MUJAČIĆ - zamjenik predsjedavajućeg
Gradskog vijeća Tuzla,
-samostalni vijećnik**

Hvala. Da li ima potrebe da se pročitaju izvještaji komisija?
Otvaram raspravu klubova vijećnika. Omer Berbić. Izvolite.

OMER BERBIĆ

Dobar izvještaj, dobar izvještaj, kvalitetan kao i do sada što su bili kvalitetni. Ja ovdje hoću samo da faktički ukažem na jedno građanima Tuzle koji ovo prate, koji ovo gledaju.

Pozivam sve građane koji budu oštećeni od rupa na cesti, od faktičkih napada životinja, od bilo kakvih drugi stvari gdje je Grad indirektno ili direktno kriv da tuže Grad i 100% će dobiti. Evo ovdje ima ne znam 8-9 tužbi gdje je bio ugriz psa, mačke itd. Sve su ljudi dobili.

Znači, nemojte bježati od toga da tužite Grad jer je to jedini način da se Grad pozove na odgovornost i da koliko bude 30-40-50 ovakvih tužbi onda će Grad možda i uraditi nešto povodom ovih jako bitnih pitanja kao što su rupe na cesti od kojih, od kojih otpadne pola auta ili kao što je ugriz psa lualice koje evo opet možemo vidit na ulicama našega grada.

Tako da od ovog cijelog izvještaja to je ono što bi ja izvadio kao ja-ko bitno i što bi sugerisao ljudima. Nemojte bježati od toga da tužite Grad. Imajte pra-va. Treba da znate vaša prava i na kraju krajeva treba da dobijete materijalnu štetu ukoliko su vam ta prava ugrožena. Znači, svaka rupa na cesti na koju udarite auto, zaustavite se. Ukoliko ima štete zovite policiju, izvještaj i tužite Grad. Hvala ljepo.

**SABIHA MUJKANOVIĆ MUJAČIĆ - zamjenik predsjedavajućeg
Gradskog vijeća Tuzla,
-samostalni vijećnik**

Zahvaljujem. Ima li još neko ispred klubova? Anel Ibeljić. Izvolite.

ANEL IBELJIĆ

Hvala zamjenice predsjedavajuće. Evo ja ću samo kratko dvije rečenice. Stvarno moram da pohvalim Gradskog pravobranioca kolegicu Ninu Popić Nezirović prije svega evo što nam je sačinila ovaj jako iscrpan izvještaj kako upisni evo tako i tabelarni dio. Stvarno se potrudila da prikaže svaki predmet o čemu se radi u svakom predmetu. Tačno su navedeni podaci potraživanja, troškovi i sve ostalo.

Iz ovog izvještaja odnosno iz prikaza rada pravobranilaštva proizilazi da evo pravobranilaštvo prenosi negdje oko dvijehiljade i sedamsto predmeta. Znači, aktivno su imali u radu negdje oko 3000 predmeta protekle godine. Održali su preko 300 ročišta što je otprilike više od jednog ročišta dnevno. To je stvarno iscrpan posao za sve one koje se bave time i znaju koliko oduzme vremena samo priprema za bilo najbezazlenije ročište nekako kažemo najlakše kao što je naknada šteta o kojima govori kolega Berbić i evo smatram kao pravnik da je Gradsko pravobranilaštvo stvarno u 2020. godini postiglo zadovoljavajuće rezultate, te Klub SDP-a će glasati. Dvadesetdruge za ovaj izvještaj. Hvala.

**SABIHA MUJKANOVIĆ MUJAČIĆ - zamjenik predsjedavajućeg
Gradskog vijeća Tuzla,
-samostalni vijećnik**

Zahvaljujem. S obzirom da smo iscrpili rasprave klubova vijećnika.
Otvaram raspravu vijećnika. Omer Berbić. Izvolite.

OMER BERBIĆ

Ništa mene samo ovdje jedan specifičan slučaj zanima to je P-10/20 JKP VK Tuzla da je tužio Grad Tuzlu za 252.000 maraka i da je dobio 19, dosuđen iznos 19.632. To je na strani broj 3. (SABIHA MUJKANOVIĆ MUJAČIĆ – Izvinjavam se Omere što prekidam. Možete li molim vas ponoviti da predlagač može...Koja tabela?) Strana broj 3, tačka 12. Prvostepeni parnični postupci. (SABIHA MUJKANOVIĆ MUJAČIĆ – Prvostepeni strana znači broj 3.) Rješen na teret, teret Grada Tuzla. Samo me zanima o čemu se ovdje radilo pošto mi je nako zanimljiva situacija da javno preduzeće, ako je javno preduzeće, a mislim da jeste tuži Grad zašto tu nije došlo do nekog vansudske nagodbe ranije itd.? Eto to me zanima. I zašto je iznos od...

NINA POPIĆ NEZIROVIĆ – gradski pravobranilac

Možetel samo reći koja tabela?

OMER BERBIĆ

Prvostepeni parnični postupci riješeni na teret Grada Tuzla stranica broj 3 i tačka...Redni broj 12. (SABIHA MUJKANOVIĆ MUJAČIĆ - Jeste našli? U redu. Omere jel to to?) E to me...To je to.

SABIHA MUJKANOVIĆ MUJAČIĆ - zamjenik predsjedavajućeg Gradskog vijeća Tuzla, -samostalni vijećnik

U redu. Hvala. Ima li još vijećnika prijavljenih za diskusiju?

Ukoliko nema zatvaram raspravu vijećnika.

Pa to i želim. Hoćete li molim vas odgovorit samo na postavljena pitanja prije glasanja?

NINA POPIĆ NEZIROVIĆ – gradski pravobranilac

Evo ovako. Jeste to se radi o tužbi „Vodovoda i kanalizacije“ protiv Grada Tuzla i to je stari dug za 2016. godinu na ime izvršenih komunalnih usluga vodosnabdijevanja i odvođenja otpadnih voda. To se ja mislim...Nije moj predmet tako da ne mogu detaljno dati informaciju za njega, ali mislim da se...Jeste radi se o izbjegličkom centru Mihatovići gdje je Gradsko pravobranilaštvo bilo mišljenja da mi nismo obavezni da platimo taj dug. Međutim, ovdje se radi o prvostepenoj presudi. Mi i dalje smatramo da mi nismo odgovorni odnosno, Gradsko pravobranilaštvo smatra da postoji odgovornost nekih drugih subjekata za ovu štetu iz tog perioda i iz tog razloga smo uložili žalbu, te se radi o nepravosnažnoj presudi.

Ali isto bih ako mi dozvolite rekla što se tiče naknade štete za ujede pasa i jedna mačka ima čak ujed. Istakla bih da je, da je u stvari došlo do manjeg utuženja za razliku od prethodnih godina. Takođe sa mnogim opštinama smo razgovarali. Ovo je veliki problem za sve jedinice lokalne samouprave pa bih istakla da je baš ma-li broj predmeta u Gradu Tuzla za razliku od ostalih opština i gradova. Eto toliko.

SABIHA MUJKANOVIĆ MUJAČIĆ - zamjenik predsjedavajućeg Gradskog vijeća Tuzla, -samostalni vijećnik

Zahvaljujem se obrađivaču materijala.

Sada stavljam na izjašnjavanje IZVJEŠTAJ O RADU GRADSKOG PRAVOBRANILAŠTVA...Molim vas.

Znači, sada stavljam na izjašnjavanje IZVJEŠTAJ O RADU GRADSKOG PRAVOBRANILAŠTVA GRADA TUZLA ZA 2020. GODINU i pozivam da aktivirate uređaje i glasate. Nikice? Molim vas samo još malo strpljenja i tišine. Glasanje je okončano.

Konstatujem da je IZVJEŠTAJ O RADU GRADSKOG PRAVOBRANILAŠTVA GRADA TUZLA ZA 2022. GODINU usvojen sa,

26 glasova za, nije bilo protiv i nije bilo suzdržanih.

Tačka deset:

RAZMATRANJE IZVJEŠTAJA KOMISIJE ZA IZBOR I IMENOVANJA

Sladana molim vas.

SLADANA KRAJINA – sekretar Gradskog vijeća Tuzla

Komisija za izbor i imenovanja je razmatrala prijedlog Omera Berbića, vijećnika Naše stranke, za izmjenu člana Savjeta Mjesne zajednice Slatina, te je usvojila sljedeći zaključak:

Komisija za izbor i imenovanja je razmotrila, te Gradskom vijeću Tuzla na izjašnjanje upućuje prijedlog Omera Berbića, vijećnika Naše stranke, da se:

- Mirza Begović razrješi dužnosti člana Savjeta Mjesne zajednice Slatina,
- a da se na dužnost člana Savjeta Mjesne zajednice Slatina izabere Mineheta Karić.

**SABIHA MUJKANOVIĆ MUJAČIĆ - zamjenik predsjedavajućeg
Gradskog vijeća Tuzla,
-samostalni vijećnik**

Pozivam da aktivirate uređaje i da glasamo. Glasanje je okončano.
Konstatujem da je prijedlog prihvaćen sa,
25 glasova za, nije bilo protiv i nije bilo suzdržanih.

SLADANA KRAJINA – sekretar Gradskog vijeća Tuzla

Komisija za izbor i imenovanja je razmatrala prijedlog Zorana Jovanovića vijećnika Stranke za Bosnu i Hercegovinu, za izmjenu člana Savjeta Mjesne zajednice Donja Obodnica, te je usvojila sljedeći zaključak:

Komisija za izbor i imenovanja je razmotrila, te Gradskom vijeću Tuzla na izjašnjanje upućuje prijedlog Zorana Jovanovića vijećnika Stranke za Bosnu i Hercegovinu, da se:

- Mensur Korkutović razrješi dužnosti člana Savjeta Mjesne zajednice Donja Obodnica,
- a da se na dužnost člana Savjeta Mjesne zajednice Donja Obodnica izabere Armin Džafić.

**SABIHA MUJKANOVIĆ MUJAČIĆ - zamjenik predsjedavajućeg
Gradskog vijeća Tuzla,
-samostalni vijećnik**

Molim vas da pristupite glasanju.
Konstatujem da je glasanje okončano i prijedlog je prihvaćen sa,
22 glasa za, nije bilo protiv i 2 suzdržana.

SLADANA KRAJINA – sekretar Gradskog vijeća Tuzla

Komisija za izbor i imenovanja je razmatrala prijedlog Kluba samostalnih vijećnika za izmjenu članova radnih tijela Gradskog vijeća, te je usvojila sljedeći zaključak:

Komisija za izbor i imenovanja je razmotrila, te Gradskom vijeću Tuzla na izjašnjanje upućuje prijedlog Kluba samostalnih vijećnika, da se:

- Kerim Isović razrješi dužnosti člana Komisije za prostorno uređenje i zaštitu okoline,

- a da se na dužnost člana Komisije za prostorno uređenje i zaštitu okoline izabere Osman Bajrić,
- Alija Jusufi razrješi dužnosti člana Komisije za komunalne poslove i pitanja mjesnih zajednica,
- a da se na dužnost člana Komisije za komunalne poslove i pitanja mjesnih zajednica izabere Damir Džafić.

**SABIHA MUJKANović MUJAČIĆ - zamjenik predsjedavajućeg
Gradskog vijeća Tuzla,
-samostalni vijećnik**

Pozivam vas da glasate. (Greška.) Hoćete da ponovimo?
Molim vas ponovite glasanje. (NATAŠA PERIĆ – I malo ozbiljnije.) Glasanje je
okončano. Niste glasali? Poništavam rezultate. Molim vas još jednom. Znači 1 za, 2 protiv, 3
suzdržan. Glasanje je okončano.

Konstatujem da prijedlog nije dobio potrebnu većinu bilo je,
5 glasova za, nije bilo protiv i 20 suzdržanih.

Znači, prelazimo na sljedeću tačku Dnevnoga reda:

TEKUĆA PITANJA

Obavještenje Službe za kulturu, sport, mlade i socijalnu zaštitu o razlozima
prolongiranja razmatranja Informacije o realizaciji Akcionog plana za djecu grada Tuzle 2022.-
2024. za 2022. godinu.

Konstatujem da je Gradsko vijeće Tuzla primilo k znanju Obavještenje Službe za
kulturu, sport, mlade i socijalnu zaštitu o razlozima prolongiranja razmatranja ove Informacije.

Konstatujem da je Dnevni red iscrpljen.

Svim građanima Tuzle i Bosne i Hercegovine, islamske vjeroispovijesti, želim u svoje
ime i u ime vijećnika Gradskog vijeća Tuzla uputiti srdačne čestitke povodom nastupajućeg
mubarek mjeseca Ramazana.

Zahvaljujem se vijećnicima, predlagачima i obrađivačima materijala i zaključujem 25.
redovnu sjednicu Gradskog vijeća Tuzla.

(S obzirom da je Dnevni red iscrpljen i 25. redovna sjednica Gradskog vijeća Tuzla
zaključena ista je završena u 13:27 sati.)

STENOGRAM SAČINILI:

Selma Šehić

Jasminka Delalić

P R E D S J E D A V A J U Ć I

Nataša Perić, prof. s.r.